

宋

會

要

全唐文

朱會要

淳熙十六年四月二十五日詔三衙及江上諸軍各置

馬院一所專收養揀退老病馬於元破草料內減半支

給責隊外人看餞令醫獸常切醫治仍差將官一員提

督不許擅行宰殺有創斃方得出賣仍月具見管數目

申樞密院以樞密院言馬有老病不堪乘騎揀退年例

聞承買人便行宰殺閏五月十七日侍衛步軍副都

指揮使梁師雄言本司諸軍逐年將肥壯馬差往湖州

下菰城牧放其新細病瘠驍負等馬往西溪牧養照得

下菰牧馬官兵內有家累人除量行擘券外又承指揮

各人依出軍例日添口食米二升五合鹽菜錢三十文  
並於湖州按旬幫支所有差出西溪牧馬官兵即無添  
破食用係於在寨本身請給內按旬津發欲乞下所屬  
將西溪牧馬有家累効用官兵每日止與添口食米二  
升五合候今降指揮下日關所屬入厝批勘按旬請撥  
發往西溪依敵日後續發牧放有家累官兵及以後年  
分亦乞依此自起發日為頭支給至歸司日住支從之

六月一日詔今後諸軍取馬官兵遇有疾患仰綱官

申所至州縣分孳生券挨日批支令本處命醫調治差

人看護候痊可給口券轉牒郡邑津遣還軍

以淮東總領趙師異

言諸軍裁差取馬官兵中遇疾病其能迫於程役往往

棄置窮塗口券既不可孳藥餌又無所給枕藉潰登十

常八九間有愈者則輒泛興  
或乞予以歸故有是命

七月十七日江陵府副

都統制率達原言竊見川廣起發綱馬地頭價直并綱  
卒請給或諸軍專差人取撥裏費賞給之屬一馬不下  
五百緡且更經涉長途不習水土太半羸瘠軍中得之  
經年餽飼不能復舊可以披帶者十之四五比年京西  
民間產馬蕃盛其間中披帶者極多如上駟市直不過  
二百緡詔令西京安撫司同本司每年差官就所屬州  
縣買二百疋逐時解總領所呈驗印記撥付軍中教閱  
紹熙元年二月八日檢詳諸房文字楊經言四川茶  
馬司每年收買宕昌階文黎叙州南平軍等處戰馬應  
副三衙并沿江諸軍緣從來未有一定資次以致所買

之馬久住路中其取馬人未到司或取馬軍兵擁併前來住程已久却無馬可發欲行下茶馬司酌量道里遠近月日先後并馬數多寡立為資次結罪繳申候見允當乞罰下諸軍依期差撥官兵前去請領庶幾整辦郡縣亦不虛費官錢從之 二年三月十八日宰執進呈臣僚劄子多占戰馬上曰軍帥多占馬非時利其所得又以好馬奉權貴此弊不可不痛革 五月二十五日詔廣西經略安撫司四川茶馬開具前後拖下鄂州襄陽府大軍綱馬違帶因依聞奏仍仰疾速先次補發月具已起發綱數申樞密院

以鄂州駐劄使制解度詳奏大軍綱馬被帶故也

八

月十三日詔四川都大茶馬司撥殿前司馬二綱馬步

司馬各一綱應副鄂州都統司一次

以鄂州駐劄御前  
諸軍都統制張詒

言本司目今自都統制以下  
並無西馬乘騎故有是命

十七日前准發遣融州邢

紳言竊見廣西每歲經畧司行下諸州差官及將校押

馬帥馬惟行在鎮江池州建康將校有一資之賞而襄

陽鄂州部押全綱緣地里不及惟綱官有轉官賞其餘

將校只得折賞錢一十五貫全不用心看守是致所部

之馬沿途病瘠損失奉旨令兵部看詳聞奏歸而看詳

所乞軍兵牽馬至鄂州令牽馬三疋全到與轉一資緣

有節次指揮每名止牽馬二疋自合遵守照得廣西經

略司至鄂州一千八百八十二里比之到行在地里十

分為率止及六分半難以一例轉資欲將所差牽馬入

至鄂州名下馬二疋全到增作支錢二十貫如願給半  
資公據者聽更支錢五貫文仍兩次押馬該賞作一資  
收使更支錢五貫若二疋全到內一疋瘡疥瘦瘠與減  
半推賞支錢十貫文二疋全到並瘡疥瘦病寄斃一疋  
不推賞二疋全不到降一資無資可降人從杖八十料  
斷廣西經略司至行在二千八百七十七里至襄陽府  
二千三百六十二里比之到行在少五百一十五里難  
以一例轉資欲將所差牽馬人至襄陽名下馬二疋全  
到增作支錢二十五貫文如願給半資公據者聽更支  
錢一十貫文若兩次押馬該賞作一資收使更支錢一  
十貫文若兩疋全到內一疋瘡疥瘦瘠與減半推賞支

錢十二貫五百文二疋全到並瘡疥瘦或寄斃一疋不  
推賞二疋全不到照應鄂州體例降罰施行從之 十

月十一日詔內外諸軍今後戰馬遇有病患即時申官

醫治與免斷遣如或隱蔽不申失於醫療致有損斃却

依條斷治施行以相察院言諸軍馬軍過脚戰馬生

申至得其斃是以近年制三年六月十六日詔茶馬

司將紹熙三年分起發御前關壯西馬內支撥二綱付

池州副都統司以池州駐劄御前諸軍副都統制率建

佐并隊下馬軍所養戰馬皆足排發然雅州等處常

地西馬之北十一月十七日詔茶馬司將紹熙三年分

關壯西馬內支撥兩綱付鎮江都統司以鎮江府駐劄



制司言本司開馬官兵六百餘人逐年全仰茶馬司廣  
西安撫司買發合得綱馬二十四綱兩司自紹熙三年二  
九月終拖下六十一綱委是有妨乘騎於紹熙三年二  
月內乞下茶馬司將每年合發實宣撫司進調北馬內  
撥二十綱至今未發回降今未止乞令二十七日詔茶  
綱本司應副戰士騎習數閱政有是命二十七日詔茶  
馬司將殿司紹興三年分綱馬疾速排發無得留滯具  
已排發綱數申樞密院 四年二月十八日興元府言  
本府係都大茶馬奏司置司所在紹熙三年十二月二  
十日終在府見管三衙江鄂等州取馬官兵四十九綱  
一千六百餘人住程挨日批支錢糧內殿前馬步三衙  
取馬官兵三十六綱並不依樞密院元排綱次期限指  
揮仍舊預行差撥擁併到府住程本府並與挨日批支  
券食錢糧外照得本府看計所日有限諸司應副綱馬

茶食錢逐年亦有定額實難應辦兼逐處官兵空住日  
久有妨教閱乞下三衙將紹熙四年取馬官兵照應樞  
密院已排綱次期限約度一年所發馬綱資次將絕逐  
旋差發計程前來今後亦只依元立期限截日批支從  
之 同日詔茶馬司更支撥闊壯馬三百疋付興元府  
副都統司補填闕額餘依已降指揮以興元府副都統  
郭鈞元奏以三千疋為額添發馬三百  
疋共作五百疋教閱使用故有是命七月二十七日  
詔令殿步司揀不入隊稍堪乘騎馬五十疋撥付許浦  
水軍以平江府許浦駐劄水軍副都統制司言闕馬來  
騎乞於發到新綱廣馬內撥一綱使用故有是命  
十一月二十七日詔令三衙江上諸軍今後取馬官兵  
每綱各先給十日草料價錢將帶前去準備過往程闕

必去處接續收買草料如法養餵或有支用錢物不盡  
回納本軍從殿前司護聖馬軍統制劉世榮之請也

五年二月二十五日殿前都指揮使郭杲言本司所管  
諸軍戰馬內有齒老雙瞶及疾久難醫治馬數年創於  
牧馬往回揀選申朝廷送承旨司於馬右勝火印出字  
往年令詣軍出賣將賣到肉臟錢納內藏庫後來淳熙  
二年九月指揮將出字馬從本司發兩浙東西路安撫  
司分攤付逐州軍支破草料養餵淳熙十六年四月指  
揮令三衙別置馬院減半草料看餵竊詳本司一年兩  
次揀退不下五百餘疋虛費日支草料乞從舊解赴承  
旨司火印出字發送安撫司交管詔依馬步軍司依此

施行 三月六日都大提舉四川茶馬楊經言照得本  
司每歲排發三衙綱馬並揀十歲以下壯嫩闊實無病  
及格好馬排發今體訪得押綱人輒於漢上一帶沿路  
州軍將綱內皮毛正有看相及格馬司自盜賣却買矮  
小不堪馬填數起發竊慮馬到納官驗出其押綱官兵  
必以本司排發藉口交納雖有法禁所在官司多不覺  
察乞下漢上沿路州軍委逐處守令措置嚴切覺察仍  
多出榜許人告首依條斷罪詔湖北京西安撫專轉司  
常切覺察 四月七日殿前副都指揮使郭杲言本司  
應管戰馬一萬七千匹為額比之元額見闕二千二百  
餘匹蓋緣近一二年間茶馬司發馬稽緩况諸軍日有

損斃及每歲牧放往回兩次揀退是致補數不敷今諸軍馬軍正隊內見有關馬起赴教閱之人指擬綱馬到來攤撥著脚乞行下茶馬司疾速團綱起發仍乞指揮自今後免行截撥付別司軍分詔四川茶馬司將殿前司合得綱馬照數排發毋令稽緩餘依此施行 五月二十四日金州諸軍副都統制田世輔言所部馬軍中軍一將額管入隊戰馬一千疋至紹熙四年闕四百八十七疋每年雖準四川制司均撥二分馬不過五六十疋本司自以青草錢每歲于都大茶馬司收買七十疋一半應副諸軍統兵將官充脚下驛料馬乘騎所得入隊馬二項共不過八九十疋補填尚未能敷補上年創

斃掠退之數委是積歲闕額乞下茶馬司於紹熙五年

分買發闕壯馬支撥一十綱差人取押歸軍調習養餼

應副入隊披帶教閱以備緩急出入之用亦可補及元

額詔支撥五綱

以上光宗會要

紹熙五年九月十四日明堂啟

川廣綱馬沿路自合預辦草料訪聞州軍臨時科歛百

姓及差夫採斫青草仰轉運司行下州縣並支見錢收

買不得非理科擾令提刑司覺察如有違戾按劾以聞

仍許被擾人戶越訴

自嘉泰三年至嘉定十年四年由都明堂啟並同

閏十月二

十七日步軍司言本司今歲諸軍差往湖州下蘇城牧

放戰馬二千五百六十五疋於內倒斃六十一疋比之

淳熙十一年至紹熙四年十年之內斃馬最少委見總

轄官前軍統制武德郎高宗周究心職事牧養有方詔  
高宗周特轉一官 慶元元年正月五日詔茶馬司權  
住牧買闊壯馬一年其銀價錢同日前年分一就椿管  
聽候指揮不得輒行支用仍先次開具前後已椿收牧  
數目奏聞 四月三日廣西經略安撫司言乞照襄陽  
副都統馮湛所請徑令本軍就便收買土產馬實為兩  
便檢詳所擬到照得諸軍逐處關馬江陵襄陽猶少今  
四年五年已是不買若住廣西經略司買馬將來萬一  
要用不可卒置委是不便若不許江陵副都統司收買  
土馬又有率逢原等申請利害分明乞下總領所將每  
歲買馬錢四萬貫兩處分撥一欲將錢二萬貫令經略

司買馬三綱起發赴江陵副都統制司交納起綱既無  
迫促之弊又可以揀擇好馬一欲將錢二萬貫令江陵  
副都統制司揀買及格土產馬將所買馬赴襄陽府帥  
臣審驗及尺寸堪披帶馬時直價例置厝印烙季具有  
無買到數目申樞密院庶幾兩便詔依檢詳所擬到事  
理施行 九月二十一日詔殿步司主帥限三日拘收  
諸處官司見借官馬具申樞密院仍約束諸軍兵官今  
後或有違戾重作施行必罰無赦從臣僚請也 二十  
八日詔已降指揮令殿步司不許私借戰馬與諸處官  
司合行拘收外其見起赴朝參及從駕官僚若一例拘  
收却恐有妨乘騎如委關省馬許權暫存留元借馬一



足已差破者馬人不得再行占留兩司官馬仍不得指  
占踏逐差取及將者馬換易戰馬如有違戾重賞典憲  
餘依已降指揮 十月二十六日詔茶馬司於殿前司  
慶元元年合起綱馬內除豁五綱仍依宕昌實買馬價  
錢照數發還湖廣總領所以前以茶馬司言已得指揮令殿  
馬二百五十匹合用價錢先于總領所借支却令茶馬  
司于拖下綱馬所管錢內對數撥還照得邊場買馬每  
足錢引一百三十四道半其數撥還約一百五十道  
今來止合起歲額同實價應到發納仍乞于殿前司  
五年分未起歲額馬 十一月十九日詔廣西經略安撫  
司於額外添貼馬綱內全撥三綱付江州都統制司今  
後令茶馬司將文馬十綱依數排撥毋令仍前闕誤以  
都統趙廩有請故也 十二月三日茶馬司言乞下承

旨司日後遇馬網到來先勒將校獸醫軍兵責問網官  
有無係是正身如非正身馬雖全到更不推賞從之是先  
臣僚言管押進馬官多是代各同日詔內外諸軍嚴行  
馬實今本司相度措置故也約束責委各軍統制等狀收買堪好藥材監視修合遇  
馬病患勒令醫獸對證醫治如歲終倒斃戰馬數多一  
例重作施行從臣僚請也 二年二月十三日詔今後  
買馬官陳乞酬賞諸軍報到馬數保明圖備放行與免  
制置司覈實餘照自来條例施行從四川茶馬楊經請  
也 九月十九日樞密院進呈臣僚劄子三衙諸軍每  
歲收到馬不足以補一歲倒斃之數乞明立賞罰嚴作  
施行鄭僑等奏雖有已降指揮立定賞罰歲久遂生欺

弊每次奏申多是將創斃數逐軍互相均攤謂不該二分之罰苟免罪責葉莠又奏近年馬政不修極有弊倖當責之主帥委自逐軍統制將官每於歲終具逐軍創斃之數申樞密院比較損失多寡不許巧作回護均攤以免罪罰詔兵部叅照見行條法指揮申嚴奏奏聞三

年三月四日兵部言茶馬司係專一管買馬職事乞下本司須管照歲額合買馬數於歲終排發盡絕不管依前拖延仍令制置司每歲取見茶馬司排發過綱及諸場買到馬數并當職官吏姓名開具申部以憑稽考行下催促如見得有虧欠元額數多去處即將當職官吏具申朝廷取指揮施行所有在路減剋草料不切用心

有管一節欲令諸軍主帥須管依已降指揮並選差庶  
謹諳曉馬性之人前去取押嚴切戒諭今在路用心撻  
舉將批到草料盡數依時餵飼不管稍有違慢如或有  
減剋草料之人許互相覺察歸司陳告如追究是實即  
與支賞將犯人重行斷遣其綱官合千人失於覺察一  
例坐罰罪務在必行不管違戾照依兵部看詳到事理施  
行仰內外主帥都統常切督責所部諸軍如法養餵戰  
馬毋令瘦瘠有病隨即醫治仍令兵部每歲終依已降  
指揮比較諸軍統制已下斃馬多寡賞罰外參酌臣僚  
所陳將各司所管總額馬數令項稽考倒斃分數申樞  
密院取旨以議賞罰 四年正月十五日兵部言乞從

江東安撫司所請下馬軍行司建康府池州都統司將  
揀退馬仍舊令各軍置馬院差隊外人兵看養詔依兵  
部指定到事理照應淳熙十六年已降指揮內外諸軍  
依此施行其倒斃馬價錢並依舊例解發 五年三月  
二十七日司農寺丞潘子韶言唐鄧樵塢監勒牛馬牙  
人立賞以招南客乞行措置詔湖北京西安撫司行下  
守令嚴切禁止督責巡尉常切巡警不許透漏務要革  
去舊弊或仍前違戾除犯人重作施行外其當職官吏  
并地分鄰保例作行遣如客旅興販馱載貨物內有及  
格尺壯馬並不得輒往沿邊界首先次揭榜鄉村曉諭  
仰帥臣監司常切覺察旬具有無透漏結罪保明聞奏

五月二十五日閣門舍人厲仲詳言乞詔殿步帥臣  
自今呈馬之際除十分病發不任醫治別作行遣區處  
外應見管馬無問肥瘦並從牧放如合量留在寨亦須  
壯實可用以備緩急不許專養肥馬以為冒賞之地歲  
終算計實數馬軍之馬耗及二分步人之馬耗及四分  
自統制而下一等錫秩從之 十月五日臣僚言乞請  
路漕臣凡馬綱經過州縣必差縣尉及巡檢一員監飼  
草料不得循習舊弊準折價錢仍令主管綱馬驛程之  
官往來諸驛以檢察之馬或羸瘠足數不全即綱吏與  
主管驛程者例皆坐罪此舊法責罰稍重如軍中裨將  
牧馬損折之罪不以赦原從之 十二月五日詔廣西

提刑司將慶元六年分合起發湖廣總領所經總制錢  
內截撥買發江陵副都統制司歲額馬六綱價錢四萬  
貫於內分撥二萬貫付江陵副都統制司於襄陽等處  
權行揀買及格尺土產馬解赴襄陽府帥臣審驗來歷  
如委堪披帶及不係外處盜馬即與印烙發往本軍季  
具買到數目中樞密院餘二萬貫仍舊解發赴廣西經  
略司依數收買堪好齒嫩馬三綱疾速起發赴江陵諸  
軍交納不管稍有闕誤以湖廣總領有請故也 嘉泰  
元年二月十七日臣僚言諸軍馬軍今後比較倒斃馬  
數有外官差借因病發遣歸軍倒斃即仰分明申說豁  
出免行比較詔依令殿步司主帥將依指揮合借差馬

先次置籍開說各軍將隊毛色齒歲不許頻併踏逐換  
易如有發遣回軍病斃馬即行批鑒委因是何病患月  
日倒斃每歲終具申樞密院以憑稽考如因別患在軍  
倒斃依舊例理為分數仍不得將軍寨馬作備差之數  
避免比較如是見得稍涉情弊重作施行 二年正月  
二十七日鎮江府副總管劉忠言伏見頻年以來北界  
用兵日在兩淮漢上用銀收買淮馬貪利冒禁者紛紛  
我空彼盈利害不細乞下帥司禁戢立賞許告不問小  
大不得透漏有馬之家地分官司常切覺察從之 四  
月三日樞密副都承旨司言茶馬司起進御馬到部押  
綱官二員各轉兩官今四川茶馬司押進嘉泰元年分



御座打毬馬五十五疋所差綱官王文正等止蒙轉一  
官減三年磨勘臨緣所部之馬若或創斃數多責降與  
御馬綱格法一同而推賞不當有異今來軍兵已依押  
進關壯馬格轉兩資其綱官亦合一體施行詔各將轉  
兩官今後依此推賞 八月二十八日樞密副都承旨  
司言已降指揮川廣逐年買發綱馬令審驗官司將今  
後發到馬等量看驗如有不及格尺不堪充披帶並與  
印留即不理為合起發之數仍歲終總其逐綱低小疋  
數申樞密院行不補發不得有虧元數今據殿司差李  
舉管押嘉泰二年分歲額第三十一綱馬計五十疋全  
到數內一十四疋低小步司差張旺管押嘉泰二年分

歲額第十三綱馬除寄斃外見到四十五疋數內一十  
疋低小既有已降指揮候年終行下補發孰若隨即開  
報排發官司揀退庶免虛費官錢收買徒勞人力押發  
詔令茶馬司照數先次補發今後仰督責買馬官吏並  
要收買壯嫩及格尺每疾患堪披帶馬排綱起發或審  
驗官司等量更有短小不堪馬數先將茶馬司官吏責  
罰其買馬去處一例重作行遣廣西經略安撫司依此  
施行 十二月十四日兵部侍郎虞傳言川廣買馬費  
用朝廷錢物不貲其使臣等自當在路留心照管近日  
廣西經略司差使臣趙煥等押馬五十疋赴建康都統  
制司倒斃四十九疋本部將公據照對見得所至縣分

止據押馬官狀陳乞出給其間有稱差人下所屬隣保  
勘會或止差行人有驗開剝或將死馬安埋及公據內  
姓名有差誤雖依格降官展年斷罪本所竊慮使臣等  
衷私換易遂至多有倒斃雖有繳到公據不曾委官躬  
親驗看詣實批上元給印曆顯是違戾今措置欲令廣  
西經略司四川茶馬司今後起發綱馬須管照應元承  
指揮出給印曆付使臣如有寄斃馬數所至州縣委官  
驗實批曆給據同皮繫尾封付納馬官司驗實如有異  
同即將使臣合干人申取朝廷指揮根究從條施行仍  
令提舉綱馬驛程官逐季檢舉約束從之 閏十二月  
二十日樞密副都承旨司言殿前步軍司近於四川茶

馬司取到西馬數內有四歲馬止及四尺已下公狀內  
作四尺二寸印驗之際例皆瘦瘠或旋即倒斃不欲一  
一陳其弊俾姑以短小馬不理為數行下補發今來茶  
馬司錄連淳熙四年十月指揮降到量馬尺樣內兩齒  
馬聽低二寸係四尺二寸四尺馬聽低一尺係四尺三寸足齒馬  
依指揮收買四尺四寸當時以為向長嫩壯馬可以養  
餒是以減饒寸數自後發到短小馬養餒雖臆分肥腴  
少有長及四尺四寸實難作披帶馬緩急豈不誤事乞  
下四川茶馬司將依淳熙四年十月十七日指揮遵用  
御前降下量馬尺樣四尺四寸已上齒嫩向長闊壯堪  
披帶戰馬起發自餘續降指揮更不施行或有收買低

小一寸齒嫩向長馬恐阻遏蕃情即仰權宜於附近官  
司牧養候及格尺團網起發仍自今遇起發以前令監  
視排發官并押網使臣同獸醫逐疋等量審驗同共監  
視於左膠上分明火印交付網官沿路養餵不許瘦瘠  
候到以元發數十分為率如不及格尺并在路倒斃之  
數共虧三分都大茶馬司并買馬官茶廳排發官各降  
一官如虧二分與免責罰更不推賣或止虧一分則減  
半推賣不及一分依例施行庶幾利害切已不致仍前  
苟簡從之

三年三月十三日池州副都統制李燮言

本司每歲差遣官兵前去茶馬司取押歲額川馬五綱  
自池州至成都往回萬里全藉有心力請曉馬性綱官

部轄所差綱官止於使臣校副尉下班祇應人內差撥緣使臣多是昨來立功補轉官資年及六十已上不能任事竊見廣西經略司差押歲額廣馬赴本司交納其押綱官亦有効用進勇副尉守關進勇副尉名目之人乞將本司取押川馬綱官五人自守關進勇副尉進勇副尉使臣校副尉下班祇應通行選差有心力曉馬性人充庶幾鈐束軍兵照管綱馬不致損斃從之 六月二十六日江州副都統制李汝翼言本司馬軍合用披帶馬一千六百八十疋目今不及千疋照得茶馬司拖下本司戰馬一百一十六綱計五千八百疋乞添截一十綱分撥關馬官兵緩急庶免誤事詔特令茶馬司將

慶元六年嘉泰二年分關壯馬內支撥六綱付江州都  
統制司 八月二十九日殿前副都指揮使郭倪言昨  
降指揮令三衙每歲各差統領官一員前去西和州宕  
昌馬務與本處買馬官同共監視揀選并差將官一員  
前去興元府馬務彈壓取馬今緣宕昌簽廳官自謂代  
監司行事專擅事權所差統領官不過塊然坐視聽其  
自互市自排發備換之弊牢不可革徒有監視之名而  
無監視之實却有一行官兵沿路批支并宕昌等處添  
給歲不下六七千緡虛費朝廷財賦上駟竟不可得實  
為至弊乞將三衙差往興元排馬將官減去免此添給  
一項却將監視買發綱馬統領只差在興元監視排發

許令興秦司簽廳官同共收買選類排網內有病患短  
寸不堪者許令退換其監視排發官應有申請仍許徑  
申樞密院所貴與秦司簽廳事體相敵得以精選上駟  
若歲終網馬數額沿路倒斃數少歸司日仍乞特賜旌  
賞庶幾排發盡得好馬實為便利從之 九月四日都  
大主管四川等路買馬監牧公事彭輅言三衙取馬網  
兵積壓數多重費州郡批支券食乞截自日下將三衙  
年額合差人數住差一半候發馬及分數却行關報三  
衙差撥從之 十一月十一日南郊赦文川廣押馬軍  
兵因倒斃數多避罪逃竄可自赦到日限兩月經所在  
州軍陳首出給口券發遣歸元來去處免罪依舊職名



牧管支破請給開禧二年至嘉定十四年南郊明堂赦  
並同 四年二月二十七日都大主審四川等路買馬  
監牧公事彭輅條具馬政合行事件下項一邊場買馬  
止有諸州應副銀絹綾紬餘錢引一色別無所入窠名  
從條係於茶司收到茶引息錢內每年轉撥七十萬道  
上下用充馬本其間馬司亦有代支茶司窠名錢數年  
終兩司會等緣今次遵奉朝旨更不排發格尺低小之  
馬所買馬自有久來立定則例不敢妄增馬價且格尺  
高者價亦隨增今欲每歲權以八十道為率取撥應副  
其錢只於當年四五月間收納七分限七月十五日以  
前數足候年終兩司會算具帳申省一臣見行前去省

昌措置目今已是歲終開春馬來擁併竊慮馬本不繼  
照得川司賣引所庫管見在錢引一百二十二萬貫道  
欲先次取撥八十萬道轉入馬司庫管椿收其錢仍理  
作嘉泰四年分合撥馬本一興元府見積三衙取馬官  
兵僅五十綱照得前官丁逢任內慶元三年一全年起  
三衙馬九十三綱錢鑒任內七十一綱王寧任內九十  
七綱次年九十六綱至王璆任內嘉泰元年七十八綱  
胡大成任內嘉泰二年六十四綱今年正月至十一月  
終只起三十二綱竊詳衙馬頓始自去年今馬來既少  
自是庫管有趨下馬本錢物臣今措置戒諭逐人各令  
廣販及格尺馬出漢互市若日後馬來絡驛可以補發

虧下綱次却合令茶司將嘉泰二年三年虧買馬本錢  
物令項椿管容臣接續取撥互市一茶馬舊為一司其  
合破衙從元係諸州於年額合應副牽馬人外又差白  
直人數其一歲總四千餘名後來三經裁減比舊不及  
一白直人兵更不取撥照得上件人兵係分撥場廩  
養馬及牽押進御馬綱每歲尚不足用常是願夫添貼  
今既分為綱司慮恐過數占破妨誤養馬今欲將馬司  
提舉官衙從只破一百二十名幹辦公事白直人外每  
聽破牽馬人十名此外不許妄有差占一馬司事務繁  
多所管地分闊遠舊有指使一闕向因制置司申明候  
辟書下日方與放請是致無人願就照得四川共管八

場買馬內黎叙珍州南平長寧軍五場應副江上諸軍  
分送裏外兩馬務團養兩務各差官一員監轄綠監官  
係文臣不諳養馬遂申朝廷廢罷止是差官權攝兼成  
都府裏外馬務舊有監官兩員今止乞辟差裏馬務監  
官一員所有指使一員許自本司起辟日放請上件員  
闕自此更不辟置文臣並於大小使臣內選辟有材幹  
諳曉馬政人庶幾協濟國事詔並依仍同趙善宣更切  
從長詳度施行 四月二十三日權發遣信陽軍黃石  
孫言伏見秦司排發綱馬兵士已至而馬數未足官司  
每以多支日券為憂馬數已登而兵士未至官司復以  
多費草料為念幸而人馬俱集則督促發遣一不暇顧

且馬產於深蕃涉遠而至力猶未充不問羸病遽責之以經涉險阻沿路倒斃皆此之由乞下秦司今後網馬有羸瘠病患者且須醫療飼養十分充壯然後排發此亦馬政一助從之

嘉慶四年五月六日樞密院言江陵副都統制李夷申諸軍官兵前去川蜀取馬網官元降指揮止許差衙官五人例以上人緣此等人多係六十歲以上年老不任遠役乞將所差網官不拘衙官五人三人例以至守關進勇副尉從本司選少壯諳馬性人通行差撥詔依如取馬網馬倒斃數多網官無官可降以罰歸之選差官

開傳元年十一月十四日樞密院言乞將襄陽奴土產馬網官兵照興元取馬例比折

地里立定賞罰兵部申襄陽取土產馬每綱五十匹興  
元府至行在四千八百八十九里襄陽府至行在三千  
一百里以興元府地里細計每四百八十八里有零為  
一分襄陽府計及六分有零照得雖及六分緣川蜀道  
路夷險不同欲與咸丰推賞從之 二年正月十三日  
右衛郎將管幹毅前司職事郭果言本司歲差人於四  
川茶馬司取押馬三十六綱每綱綱官一員以便臣充  
綱兵三十一人悉以步軍正帶甲人為之自臨安至興  
元往返萬里經汝山險若得諳曉馬性之人在路牽取  
養餵庶幾不致瘦斃今步軍不惟有妨教閱墮武藝又  
且不諳馬性今相度自後所差取馬官兵內綱官從舊

選差使臣餘牽馬軍兵等除獸醫一名外並於諸軍關  
馬効用及雄効內差撥必肯任路留心養餒止依軍兵  
例添破錢未出給券府賣罰從兵部參照擬定施行若  
關馬人差撥不足即於馬軍僉兵并步軍準備帶甲人  
內貼差展得取押好馬敷補關額從之 十一月二十  
八日江陵副都統制魏友諒言本司每歲合得四川綱  
馬係諸軍差人前去取押今來見調發軍馬委是抽摘  
人兵不得緣目今緊要騎軍防捍乞速賜割下四川茶  
馬司將歲額馬綱疾速差人押送前來襄陽軍前交納  
候平定日本司自行差人前去取押詔權依 三年正  
月二十九日樞密院言內外諸軍比較到斃馬及二分

已上合該展年之人元降指揮合該罰人遇郊祀赦恩  
更不原免如遇非次赦恩臨時取旨近來有日前已經  
展年之人陳乞引用非次赦免展詔今後內外諸軍倒  
罷馬已有指揮展年責罰之人雖遇非次赦並不許叙  
免嘉定二年二月八日詔三衙江上諸軍自今應押  
馬綱官並差承信郎已上人不得差校副尉從權密副  
都承旨韓杓之請也十一月五日樞密院言湖南安  
撫司申本司飛虎軍舊管馬軍二百五十人并添宣撫  
司發回敢勇効用等軍委是闕馬數閱目今馬數截自  
五月終止管一百四十二疋見闕一百八疋乞下廣西  
經略司候來春先次支撥兩綱馬一百疋從本司差人



前去押發下軍應副教閱餘闕八疋一面措置收買湊足元額庶幾緩急可備使用詔令廣西經略司將嘉定二年分江陵副都統制司合得歲額綱馬內截撥一綱付飛虎軍應副軍士毋致闕誤 五年七月七日廣西經略安撫使李訖言馬綱之弊言之者不一最為害者曰以毒藥害馬是也今年馬自橫山至本府千四百餘里綱到皆全比校過押馬官校則前路往往多斃而其斃者又皆肥壯之馬用綱官陳狀乞免入馬院安泊別尋水草便利放牧以俟發行窮其所以秘而弗言密行訪問有寘毒之弊乞遍劄下馬綱經由馬驛逐路所隸運司立賞許人告捕嚴行禁止庶綱馬道路不斃官校

之賞可全不誤軍用不枉官錢從之 六年三月七日  
臣僚言將佐之馬往往販之馬軍則馬軍雖合請三百  
止得一百食錢而主軍者密取其三分之二又統制官  
占馬至四五十疋名為科馬豈特占請馬料每一疋必  
有一卒以預其名而盜取其食錢以入己者今欲措置  
立為定額詔統制官止許差破戰馬六疋統領官差破  
四疋馬步軍正副準備將各止差破兩疋其減下馬拘  
收從公撥付入隊官兵如法養餵仍仰嚴切鈐束兵將  
官今後不許輒於官兵名下差撥換易具知稟狀申樞  
密院 二十五日詔今後茶馬司廣西經略司發到御  
前綱馬先經承旨司看驗訖令御馬院限三日揀留堪

好馬外其餘揀退馬不拘足數多少隨即逐旋降付三  
衙充戰馬使用內馬軍行司實不再下舊司養錢仍不  
得別將病馬貼數支降即不許過逾年合降三衙馬數  
以主管馬軍行司許俊言奏時蒙御前降賜下馬線本  
司撥屯建康府權前行在馬軍舊司收管候承旨司大  
印記養錢一月差官兵章漢至本司交管網馬多有怯  
後官兵皆年老不諳馬性性至本司交管網馬多有怯  
管將乞於失軍司差撥諳曉馬政指官一員却押前來交  
有是七年十月七日詔令茶馬司今後各發三衙江上  
諸軍網馬仰自正月以後預期排定網數申樞密院行  
下各軍自七月以後方得起發前去取馬以樞密院言  
臣軍兵前去取押或有馬多而人未至或人到而馬未  
有留馬待人則茶司有留馬之費留人待馬則州郡有  
養食之頒合行八年三月二十七日樞密院言興元府  
措置故有是詔

乞權住差取馬官兵少寬券食之費已降指揮令茶馬司預期排定綱數自七月以後方得起發官兵數程限因依施行仍令茶馬司預期排定各司合得綱馬不得稍有宿留及照應前項因依施行各具知稟文狀申樞密院 九年七月二十八日臣僚言國家市川廣之馬以備戰陣所過郡縣批支草料錢糧驛程不過五六十里初無馱載馳騁之勞願乃羸瘦骨立或在路耗損良由綱兵兼其利而奪其食也綱兵率皆中夜起程黎明至驛一日之內無所用心惟事飲博所請馬料隨即貨糶以資其用馬之筋秣何暇顧邪無怪乎馬之饑飢羸瘦以致耗損也至如川蜀所差進馬綱兵尤為恣橫所

抵縣邑百端生事稍不如欲則扇搖全綱縱馬衝撞或  
繫之廳事之上或散之廊廡之下非得厚賄不徒馬管  
押之官利其負販置而不問州縣之間重以進貢莫敢  
誰何所至被害甚於盜賊乞下三衛及江上諸軍四川  
茶馬司戒飭綱官綱兵今後取押馬如有羸瘠耗損重  
加責罰又令所過州縣得以節制綱兵禁其需索制其  
蹂踐或有違戾許令飛申應支馬料預於先牌入境之  
時先次煮熟及其餵飼並與驛官監分如此則綱兵無  
盜糶之弊而馬有全養之益從之 十二年十一月五  
日臣僚言竊見茶司之馬每歲發卒取隸諸軍積而計  
之耳不可勝數而諸軍之馬曾不加多嘗訪其故蓋緣

馬生西北驟至東南已失其性兼萬里馳逐沿途馬驛止留一宿不得休息且官給糧草多是折錢吏卒侵用去取馬今據茶馬司申償積馬在廐官兵不來無可發泄尤更利害今兵部供三衛合得綱數進奏院供相去程途多寡各司將每年合得綱數目均作四季取押先次立定官兵起發日分於半月前期移文茶馬司計幾綱官兵起發前去約至某月某旬到請排定綱數伺候官兵前來取押其取馬官兵各給行程一道須管照限到彼有零里者與當一程沿路實有故者除之仍於所在州縣鎮寨等處批書因依押馬回日程限準此詔令殿前馬步軍司照前項立定綱數餵飼失時暨發至諸

軍已勞若飢瘁所以倒斃者多虛費官兵請給何益於  
用臣愚以為漢陽當道里之中舊有馬監便於牧養廢  
罷日久欲乞行下湖北運司相度隨宜興復使川秦之  
送馬者至監而止俾之從容飼養候諸軍闕馬旋發卒  
取之馬既得休息之所不致病死而取馬官兵之費亦  
可減者詔依其興復漢陽馬監事理仍令湖北轉運司  
相度申尚書省

以上寧  
宗會要

陷陣車

全唐文

宋會要

兵械兵車 刀制弓弩諸式箭火器

至和二年二月汾州團練推官郭固進戰車式初知并  
州韓琦言固嘗造戰車法今以固所說民車約古制為  
之臨陣禦敵緩急易集其車前銳後方上置七槍以為  
前後二拒此馬燧戰車以刺戟於後行載兵甲止為營  
陣者也古者鹿角車以戈戟在前故有鹿角之號今前  
後俱插槍者擬此也又以民車之箱增為重箱高四尺  
四寸前後二戶高與箱等因革輓之吳起所謂革車掩  
戶籠轂是也置床子弩一車上容五人弓二弩二其一  
人擊金鼓以為一車進止前轍置蒙幢一以障牽車者



古所謂陷陣車也其車週迴悉覆以毯以備矢石火箭也凡一車二十五人車上五人前挽後推十四人執器械六人凡車十乘均以步騎多少隨之三軍所止橫列直布以為寨脚夜則聯制鐵索以楬陷地制其兩車之間用人五十其車相去不過五尺行止扶輦以為駐隊所謂伍承彌縫也唐李靖常列漢魏之法五車為隊僕射一人十為師率長一人凡車千乘將吏二人以今法準之則跳盪為騎兵也戰鋒隊步騎相半也駐隊兼車乘而出也臣琦以為可用於河北平川之地一則臨陣以遏奔衝二則下營以為陣脚今令固自費戰車式詣闕進呈乃試用之

宋會要

五十將兵車

徽宗崇寧三年七月五日河北路都轉運使梁子美言  
承北京留守司申明所造五十將兵車若依許彥圭樣  
造作費錢物浩繁精依二十將封樁兵車一般造作委是  
省費又陝西都轉運司狀近依許彥圭樣製造過戰車  
每乘轅長一丈九尺輪高五尺八寸底闊四尺二寸輪  
軸在外每量費錢一百貫文昨降勅造二十將兵車其  
車至為輕小尚慮庫屋少闊難以安放今來五十將兵  
車只合依二十將兵車造作焉

宋會要

皇祐元年四月知澧州供備庫副使米守信獻寨腳車

寨腳車

帝御崇政殿閱之

宋會要

衝陣劍輪無敵車

皇祐元年四月知澧州供備庫副使米守信獻衝陣劍輪無敵車帝御崇政殿閱之

全唐文

宋會要

刀制

馬軍刀  
步人刀

元豐六年九月上批付劉昌祚所進器械具悉今於京師見作軍仗賜卿馬軍刀步人刀各五并弓甲等以備出入卿更有闕其便否以聞

飛梭刀

真宗天禧元年十一月著作佐郎知瀘州鄭昭度言當州地連蠻界民家多仗飛梭刀長五六寸鋒可長四五

尺狀類槍而無鑕其用輕捷數十步外可傷人命自來  
累禁兵器即不及飛梭犯者未有明條欲乞自今後私  
置者依大中祥符二年勅同禁兵器全成斷違如有梭  
頭無簞者乞作全不成斷違從之

著袴刀

仁宗天聖八年三月詔川峽路今後不得造着袴刀違  
者依例斷違五月利州路轉運使陳貫言着袴刀於短  
槍簞柱杖頭安者謂之撥刀安短木柄者謂之金刀並  
皆着袴金刀是民間日用之器川峽山嶺全用此刀開  
山種田謂之刀耕火種今若一例禁斷有妨農務兼恐

禁止不得民犯者衆請自今着袴刀為兵器者禁斷為  
農器者放行乃可其請

神勁弓

神臂弓

宋會要

高宗紹興五年五月二日都督行府言諸軍缺神勁弓  
箭欲令行在軍器所自四月為始專打造神勁弓六千  
張箭一百萬隻

若

熙寧元年十二月二十二日入內副都知張水進所造  
神臂弓初民李宏獻此其實弩也以縻為身檀為梢鐵  
為蹬子鎗頭銅為馬面牙發麻解索扎絲為弦弩身通  
長三尺有二寸兩弭各長九寸有二分兩閃各長一尺  
一寸七分犯長四寸通長四尺五寸八分弦長二尺有  
五寸時於玉津園驗射二百四十餘步仍透榆木沒半  
籛詔依樣製造至是進馬 熙寧八年十一月十六日

軍器監再造神臂弓蝎尾牙發及第柱弩牙發等樣言  
並可緩急施放以常奉旨同定奪也



宋會要 弓

黑漆弓

黃檗弓

截梢弓

白樺皮長梢弓

黃檗闊閃弓

嘉祐二年五月二日北平軍使王世雍言臣先充雄州都監竊見本州甲仗庫闕少好弓矢欲乞在京舩造入<sup>牌</sup>八斗力黑漆弓一千張赴雄州甲仗庫封橋準備緩急支用從之

元豐四年正月七日入內供奉官劉友益言趙州等八州軍義勇保甲共九集教場無黃檗弓乞並給截梢弓陝西河東亦準此從之

元豐元年九月八日詔令殿前馬步軍司同提舉教場軍馬王中正狄諮以常用白樺皮長梢弓隨弓長箭及新造黃檗闊閃弓隨弓減指短箭試驗遣箭勁緩人物

淺深去步遠近保固以聞

宋會要

神宗元豐六年十月十九日工部郎中范子奇言昨判  
軍器監創造床子大弓二張彊於神臂弓獨轆弓較之  
獨轆弓  
九斗弩尤為輕使用人至少射遠而深可以禦敵詔工  
部軍器監管軍官同比試以聞

宋會要 剋敵弓

紹興二十六年閏十月十八日詔剋敵弓射遠徹扎其  
勁利非弩可比降樣令建康府駐劄御前諸軍都統制  
王權軍製造給諸軍習射

宋會要

水角弓

乾道元年十月二十五日鎮江府駐劄御前諸軍都統制郭振言本軍見於息錢內按月支錢一千二百餘貫造手射水角弓一百三十五張

竹弓

徽宗大觀三年正月二十六日兩浙西路馬步軍總管司奏今創置竹弓皆可用圖樣以聞從之

宋會要

金線烏梢弓

元豐六年九月十五日上批付劉昌祚所進器械具悉  
今於京師見作軍仗賜婦金線烏梢弓一神臂弓二并  
將官甲馬甲等以備出入卿更省閱具便否以聞先是  
上批聞廊延路經畧司劉昌裕屢請戰鬪精於騎射而  
留心兵仗所用多窮要理安走馬承受霍丙諭昌祚今  
具所習用馬步戰器并目擊士卒禦賊可用利械入遞  
進入故有是賜

插鞘弓

元豐五年八月軍器監尹抃造插鞘弓摹則法度最為  
詳密乞更不用舊造法從之

宋會要 寸扎弩

真宗景德二年六月詔步軍司虎翼兵士並給隨身黑漆寸扎弩常令調習舊例止殿前司虎翼除戰陣給隨身黑漆寸扎弩至是并步軍虎翼亦給馬

宋會要 流星弩 拒馬刀弩

仁宗皇祐元年四月知澧州供備庫副使宋守信獻衝陣無敵流星弩及野戰拒馬刀弩帝御崇政閣之

宋會要筋箇子弩

乾道二年五月十四日詔應諸路州軍曰前歲額泛拋  
軍器物料並與除放見造降樣筋箇子弩及箭疾速製  
造



宋會要木鶴弩

乾道九年閏正月二日宰執進呈知衢州張子顏造到木鶴弩二千張箭十萬張上言外郡於製作有所未工不若取其材使軍中自為之可更令別置弩材二千發來

宋會要弩柱弩

熙寧八年十一月十六日軍器監進再造神臂弩蝎尾牙發及弩柱弩牙發等樣言並可緩急施政以嘗奉旨同定奪也

宋會要 風雨箭

真宗天禧三年五月京西轉運使臧奎言施州弓箭經雨筋膠壞望今改製木弩及風雨箭從之

宋會要 鑿子箭

熙寧七年九月二十一日軍器監言與殿前司馬步軍司同定造到一掙刀鑿子箭乞依樣製造從之

宋會要 木羽弩箭

真宗咸平元年六月御前忠佐馬軍都軍頭石歸宗進木羽弩箭以木為幹木為翎長僅尺餘所激甚速中人鎧甲幹去而鏃留牢不可拔蕃人最畏之願多造邊用命衛士試之並歸宗稟給補其子為殿侍

宋會要 大風翎弩箭

皇祐元年四月知澧州供備庫副使宋守信獻兵器八種有曰大風翎弩箭帝時御崇政殿閱之

宋會要 出火四楞箭

熙寧七年九月二十一日軍器監言與殿前司馬步軍司同定造到出火四楞箭乞依樣製造從之

宋會要

狼牙箭

熙寧七年九月二十一日軍器監言與殿前司馬步軍司同定造到狼牙箭乞依舊製造從之

宋會要

熙寧七年九月二十一日軍器監言與殿前司馬步軍司同定造到鴟箭箭乞依樣製造從之

火器

全唐文

宋會要

火箭  
火毬  
火蒺藜

真宗咸平三年八月神衛兵器軍隊長唐福獻親製火  
箭火毬火蒺藜

宋會要

元豐六年九月上批付劉昌祚所遺器械具悉令於京師見作軍伏賜卿槍刀弓甲等備并藥竹步人排附排各一以備出卿更省閱具便否以聞

宋會要

宋孝宗乾道元年十一月十四日執政晚對上出牙牌一面鐫吏戶兵刑禮工贓吏字疏事目於下方上曰朕已令製造數副朝廷事卿亦當依此以備遺忘 紹興五年十一月庚午朔初置節度使已下象牙牌其法自節鉞正任至橫行遙郡第其官資書之於牌御書押字刻金填之仍合同製造一留禁中一降付都督府相臣

主其事緩急臨敵果有建立奇勲之人量功勞先給賜  
以為執守自軍興以來皆宣撫使便宜給劄補轉至是  
都省有此請

宋會要 傳信牌

真宗咸平六年十月給軍中傳信牌先是石普言北面  
抗敵行陣間有所號令則遣人馳告多失計畫復虞秦  
詐請令將帥破錢持之遇傳令則合而為信帝以為古  
有兵符既已久廢因命用漆木為牌長六寸闊三寸腹  
背刻字而中分之置鑿柄令可合又穿二竅容筆墨上  
施紙劄每臨陣則分而持之或傳令則書其言而繫軍  
吏之頸至彼合契乃書復命焉

宋會要 傍牌鐵蒺藜

皇祐元年六月十日殿前馬步司言同共定奪到楊景宗叛置禦敵傍牌樣鐵蒺藜久遠並堪使用詔令三司指揮逐路轉運司據轄下州軍見關及少處依此量行製造

宋會要 竹牌

仁宗皇祐元年四月知澧州供備庫副使宋守信獻衝陣拒馬皮竹牌帝御崇政殿閱之

宋會要

熙寧六年六月十七日詔涇原路略司選皮行竹隊牌五百面送河州景思立

宋會要 廣置棍棒

建炎二年五月十三日京東西路提點刑獄公事程昌弼言今州縣之間軍器乏少乞令諸州縣擇本土堅韌之木廣置棍棒其長等身徑可及握不勞遠求指日可辦此弓弩則無挽拽之能否比刀劍則無鍛鍊之工程用之以禦鐵騎則出其右蓋鐵騎非箭鏖鋒刃可害從之



全唐文

宋會要

備邊

太宗太平興國三年二月詔沿邊諸郡關防守吏謹視  
蕃商無許闌出銅錢敢故縱者自五百至五千令有司  
差定其罪著于甲令有能告者第賞之 四年九月五  
日詔忻嵐憲州緣邊諸寨不得縱軍士入蕃界打劫以  
致引惹賊衆如入界打劫即於要路截掩殺若須讐賽  
者非有宣命無得出境

宋會要

七年十月詔應沿邊州軍縣鎮等爾來金革甫寧創痍  
漸復百姓等各思安堵勉務力田不得闌出邊關侵撓

帳族及掠奪畜產搔動邊陲宜令所在州縣嚴加偵邏  
違者重論其罪生口羊馬等並送於塞外 八年二月  
詔應有蕃部將帶人口入蕃界者宜令所經歷及次邊  
州縣軍鎮常切聽認收捉不得放去如有將人口貨賣  
與蕃人及勾該居停住並依格律處死聽認到人口便  
仰根問來處牒送所屬州府付本家仍令逐處粉壁曉  
示 雍熙四年二月詔曰深州管內鄉村人戶等分野  
罹災寇戎為患鄉州柔殘生聚流移朕深切痛傷遂令  
改貫別於津要重建州城其靜安軍令改移為深州已  
選差知州通判職官等往彼務令惠養生民撫安黎庶  
並限別勅處分自契丹入界驚疑人戶等限敕命並

令各歸農業其二稅并緣納物色悉與蠲放一準正月  
德音施行逐處官吏候人戶歸業常加安撫不得輒有  
極擾五月詔訪聞河北河東沿邊州軍城寨多放斛料  
入北界累降詔旨斷絕其兩地供輸人戶止許糴上二  
斛供家食用今知沿邊及兩地供輸人戶託此為名夾  
帶將過來偷買斛斗將去其沿邊地分巡檢守把人員  
并知州軍通判監押寨主等亦不嚴切巡轄覺察斷絕  
是致透納及造糧食過去今再下沿邊州軍管屬地分  
坊郭鄉村諸色人戶如敢輒將斛料一升一合及造作  
糧食過入北界及北界人戶過來偷買不計多少並須  
用心收捉赴所屬州府勘罪結案處斬訖奏若巡檢守

把人員不切收捉許四隣并諸色人陳告應經歷地分  
縣鎮城寨巡檢人員等並當極新其巡檢使臣知州軍  
部監監押等別降宣命施行如或容縱亦許人逐處陳  
告其知情通容放過即並與所犯人同罪如四隣人不  
切覺察致有違犯亦當決配告事人於逐處官庫支錢  
百千充賞其斷絕香藥茶貨入北界亦准此 端拱元  
年四月詔曰朕凝命上穹居尊中土唯思禁暴豈欲進  
兵至如幽薊之民皆吾赤子每聞交關盡然傷懷近者  
已許邊疆互相貿易自今公邊戍兵毋得輒恣侵掠務  
令安靜稱朕意焉先是國家累行弔伐千里饋糧民力  
疲乏至是太宗頗有厭兵之意故有是詔 二年正月

詔興置方田命八作使竇神興等往北面興功東壁即  
令知定州張永得西壁即令知刑州朱信各兼方田都  
總管仍以七人兵官隸屬幹其事二月帝與近臣議方  
田為戰守之備內出手詔諭邊將曰夫料敵之疆弱古  
以為難前歲之舉蓋救民塗炭蠶茲克羯敢肆悲陵蹂  
踐我士民攻畧我城寨朕今考必勝之策畫必當之計  
將以保民安邊畧舉大意且戒人勝則深入而不相避  
敗則逃竄而不相救固不可力戰也又皆騎兵利於平  
陸馳逐往來難於羈制固不可追奔也若乘小城就大  
鎮但屯於鎮定瀛莫之間其雄霸緣邊城堡必苦於寇  
畧固不可分兵也德文之謀在於設險若乃決大河築

長城又復自示弱為後世笑朕今立法令必遵作方田  
分頒條制量地里之遠近列置寨柵此可以限其戎馬  
而大利我之步兵也雖使彼衆百萬亦無所施其勇自  
春至秋其功告畢特重養銳挫彼姦黠如此則復幽薊  
滅林胡有日矣

宋會要

淳化二年六月詔西路諸州山川路口鎮寨不得放過  
販賣人口入蕃及指揮漢戶不得停泊如有故違官中  
察探得知或被入陳告勘鞠不虛所犯人當行嚴斷七  
月原州言與使臣及轉運使司共收贖到蕃人所買男  
女數目先是邊境人戶飢荒多賣男女與蕃中部落帝

聞其事頗甚憫惻特遣使臣與轉運使同以物貨收贖  
各給還父母至道三年三月內侍楊守斌自府州畫  
地圖上東帝閱視久之先是西北邊逕路必宿重兵以  
備之至是折御卿大破虜衆帝訝契丹從何而至馳使  
問其故乃虜由山峽間細逕而入意以御卿出巡謀入  
剽畧御卿諜知先遣內屬戎人邀其歸路因疾擊之虜  
敗走塵起迷失本路人馬墜崖谷死者相枕籍不知其  
數戎帥韓德威僅以身免因圖其地形山川以按視焉  
七月以監鐵副使宋太初充陝府西路諸州水陸計度  
都轉運使代轉運使鄭文寶李繼遷阻命河西岷疆沙  
塞唯靈武一郡控壓西陲繼遷嘯引叛亡數謀侵犯文

寶上言於靈州南界積石嶺建清遠軍積石當瀚海中  
乃不毛之地無泉水薪蒸自慶州抵靈州千餘里既不  
足為控扼應接之所城壘既就聚兵屯戍供領飛輓民  
力尤困自同華抵環慶軍粟一斛用錢七百就本處買  
粟一圍計重銀一兩仍大改青白鹽法不便於民或起  
為教獮或轉死溝壑者不可勝計御史中丞李昌齡切  
言其事遂詔以太初代文寶又命內殿崇班閣門祇候  
馮訥與太初乘傳赴陝西相度減省轉般糧草摩畫青  
白鹽法及諸不便於民悉具利害以聞帝宣諭訥等云  
云陝西轉運盧之翰與文寶見同職任文寶制置乖當  
流毒一方之翰緘默順從豈叶謀王事之意因令訥就



縣

鞠之 二年七月四日帝語宰臣等曰朕欲觀邊防郡山川形勝之勢可擇其使以往乃選左藏庫使楊允恭崇儀副使竇神寶閤門祗候李允則將命西行九月允恭等復命以山川郡縣地形續圖來上帝御滋福殿召輔臣以圖示之厯指山川堡壁曰朕已令屯兵於內地州郡而簡其閑冗冀以省費而息閭輔之民也 真宗咸平三年六月詔曰天宇所臨是惟王土雖或淪於異俗人隔皇化顧念赤子孰非吾民如聞邊隅頗維驚擾殊無綏懷之義寧忘軫惻之心自今沿邊百姓不得輒入北界劫掠違者仰在在捕繫具獄以聞十月大恩使張從武言五臺山西至瓶形寨有獨車形丹家莊南倍

並北倍並竹竿形閭翁柵凡六路通契丹今虜方侵軼  
宜多為之備即遣殿直曹顯按從式所陳六路北出皆  
虜至之靈丘其一獨車形谷瓶形東路三十里由獨車  
形至查路處五里查路至靈丘百二十里凡一百五十  
五里其二冉家莊去瓶形東南六十二里由瓶形至石  
門鋪十五里石門至查路處七里查路至冉家莊四十  
里莊已在虜中自莊至羅家平二十里羅家平至靈丘  
五十五里凡一百三十七里其三南倍並谷去瓶形東  
南二十五里由倍並至查路處五里查路至靈丘一百  
一十里凡一百四十里其四北倍並谷去瓶形東南十  
八里由倍並至查路處五里查路至靈丘九十里凡一

百十三里其五竹竿形路去瓶形東北五十里與虜遠探寨路相通其六闊翁柵路去瓶形東南二百里在虜界中與北倍蓰路相通此從式所言六路類又別言三路其一自瓶形南入番家鋪八里由鋪至查路處七里查路至羅家平十五里羅家平至靈丘五十里凡八十五里其二自瓶形東南入法直各二十里由法直至查路處七里查路至靈丘一百里凡一百二十七里其三自瓶形正南入麻窟谷四十里由麻窟至查路處十里查路至靈丘一百三十里凡一百八十里而麻窟沿小水復可通鎮定凡一百八十里總九路以為可脩類使還志圖上之十二月詔河北河東沿邊州軍城寨自今

軍民斬獲虜首級支錢五千生擒一人賜十千其獲馬  
堪帶甲者納官每匹支絹二十匹不堪者給還之 四  
年十二月陝西轉運使劉綜言鎮戎軍本古原州前代  
邊防決守之地其川原廣衍地上沃饒請興屯田且取  
田五百頃差下軍人二千置牛八百頭立屯耕種於軍  
城近北至木峽口及軍城前後各置一堡寨約地土分  
種田兵士將牛具就寨居泊便充鎮戍固不失且耕且  
戰之理兼彼處要害若不置寨屯兵久必難守從之  
五年正月陝西轉運使劉琚等言竊聞遷賊蕃部於赤  
沙并托駝路各置會貨易深慮屬朝廷蕃部被虜問別  
致奔衝乞下總管領候掩煞帝曰邊界貨易往來若未

條約便行殺戮不便可令明諭緣邊人戶今後不得入  
賊界置會尚有違犯即可嚴行二月西路總管司言准  
宣相度陝府西轉運司乞於涇原環慶州路騎兵內那  
一半往河北換步兵防捍帝曰朕累詢問西頭沿邊山  
川形勝皆云山谷高下非騎兵之地惟涇原州及鎮戎  
軍川谷稍寬此外並可添步軍減騎卒此可施行三月  
十二日西面總管司言賊遷陷靈州以侍衛馬步軍都  
虞候王超為永興軍駐泊都總管冀州團練使石普副  
之徙永興軍駐泊鈴轄康繼英為乾州駐泊鈴轄與西  
面緣邊迭為應援入內副都知秦翰為環慶涇原兩路  
鈴轄與王漢忠李允正同其事脩賊兵之侵軼也四月

帝謂宰相曰太宗朝翰林天文官孫士龍嘗請於北邊置方田及令民田疏溝塍可以隔礙胡馬當時為衆議所沮近有殿直牛睿者亦言其事呂蒙正等對曰此議當時亦以為便尋命方田使副而中外咸以為動衆勞費恐無所利而武臣輩亦耻於營葺遂罷之帝曰今若行之或有所濟宜令有司經度之七月石隰路總管言本有本路沁河至蕃界皆山險請以步卒代聽子軍大指揮帝以此軍並綏夏之民石州近賊非使命徒於磁相州九月詔比聞邊廷每至夜出兵伏截險要翌日蓋兵檢校蕃賊出入道路謂之搜惡可以預脩不虞令陝西諸路通行之十一月北面沁邊諸州上言戎騎悉以

散去帝曰虜境無故聚衆盖以朝廷郊祀動搖邊境耳  
宰臣等曰嚴憊前陛下不令催發押陣使臣果如聖斷  
十二月十六日涇原總管陳興等請併東山隴山等處  
兵入陣戎軍合力以拒賊詔所議賊衆奔突則併東山  
等七堡寨入近塞甚良策也當遠其斥候如賊勢稍大  
即依所議其七堡寨窮粟軍器防城什物等無得多蓄  
六年二月徙并代鈐鐸一員率兵屯奇嵐軍初戍嵐  
州以脩北戎控河西或言地非衝要不若徙就奇嵐北  
拒草城川賊路西援府州故有是命四月詔沿邊轉餽  
糧運皆密定日仍多發卒接送以虜伺知發日數有邀  
掠也八月十三日河東轉運副使鄭文寶言忻代州一

路沿邊諸寨糧草齊整器甲堅利城壁亦不住修補乞  
下元澄杜守元暫令更互量帶領手下兵士與都同巡  
檢等徧往諸寨點檢一次所貴山後諸州軍固則事宜  
詔代州駐泊副總管元澄等量帶衛隊當直兵士往諸  
寨點檢訖依舊勾當無事更不得往諸寨十七日對輔  
臣於便殿帝曰今歲北面已屯大兵而邊將屢奏虜未  
有隙且聚軍虛費則民力何以充給朕切思之宜因大  
兵在邊有所制置以為控遏且靜戎順安軍界先開營  
田河道可以扼黑盧口三臺小李一帶賊路亦可通潛  
運至極邊宜令乘此師衆開浚使及軍城虜或來撓吾  
役即合兵掩殺李沆等咸曰設險興功以制胡騎守邊



之利也遂詔內侍閻文慶與知靜戎順安軍王能馬濟  
共督其事徙莫州路總管石普屯順安之西與威虜魏  
能保州楊延朗北平田敏倚角以為防遏十月八日靜  
戎軍王能言於軍賊東新河之北開方田廣袤相去皆  
五尺許東西至順安威虜軍地界必能限隔戎馬縱或  
入寇亦易為防捍仍以地圖來上帝召宰臣李沆等以  
圖示之皆對曰沿邊所聞方田臣僚累曾上言朝廷雖  
有商榷皆以難於設防恐有奔突尋即罷議今專委邊  
臣漸為之制故可為邊防之備乞與施行威虜順安軍  
亦宜與制後之且慮興功之際虜寇或有侵軼可選兵  
共五萬人分據險要漸次興置之遂詔靜戎順安威虜

軍界置方田鑿河以遏胡騎是月徙北面都總管兵屯  
天雄軍及邢洺州其威虜軍兵屯順安軍莫州北平塞  
兵屯定州寧邊軍兵屯平虜城深州鎮定兩路兵屯邢  
洺磁相州如蕃賊入寇則會而前進

宋會要

景德元年五月詔自今中國人不得輒隨外國進奉人等出境邊吏專知伺察違者論如律仍縛送闕下所在粉壁寫詔書以示之先是知慶州巫山縣吳惟卿言咸平六年十二月十四日有高南等州進奉蠻人入津搜襄州樊村人聶廷憲欲隨蠻人入順州開封府長垣縣人張順隨南州指揮使向萬入南州並會赦免罰帝令點面配隸鄧饒通等州牢城因有是詔八月詔陝西轉運使等應西路緣邊州所管熟戶蕃部朝廷素有條制官吏不能遵承蕃部或有多訟多不依理平決或自有規求或遣人搔擾以茲結讐致邊鄙不寧宜令使副等

常加案察其有不能綏邊勤職者並以名聞九月十三日臣僚上言山北多作準備修蓋橋道及數處谷路差夫修持竊緣蕃賊多生狡計或為鋪排必却於山東動靜然不可不備乞下代州令鈐轄一人量部領兵士三百人於茹越大石義興治麻谷梅迴瓶形寨等處往來體量蕃賊意或有動靜即使勾抽代州及諸寨保三分兵士等截掩然如無動靜亦可牽洩詔代州駐泊副總管等常切差人深入探候倍設戢備十五日詔河北河東諸路總管各嚴兵備仍發廣捷軍五指揮赴忻州令知火山軍李餘懿領援忻代諸寨及分守要害以禦戎人之奔衝閏九月十三日詔河北諸軍曰北面寇戎已

有動靜切慮無知之輩接此搔動人戶劫掠資財仰天  
雄軍已北州軍及濱棣德博州等處并都同巡檢及捉  
賊使臣等常切部領軍馬往來巡檢如有接此動靜之  
際持杖劫掠并驚擾人民情理切害難恕者不向有無  
賊更不分首從並處斬訖奏內情理不至切害者即牢  
固收集奏裁十六日命內侍左班副都知閻承翰同制  
置東西沿邊事十月詔自天雄軍至界河已來公私舟  
船並隨處安泊所在官司常切巡邏二年正月十一  
日寄嵐軍言本軍接北界舊有方田欲修治之火山軍  
言欲築月堤以固城壘帝曰此蓋知朝廷與契丹通好  
未敢即興其役可降詔諭以違契丹誓約並罷之十九

日詔令河東河北沿邊州軍自今北界遣職首齊牒部  
送生口至者並給與茶絲及遣人部送出境并答其文  
牒減定式以頒之亦令官吏等詳其事之巨細稍增損  
其數二月詔沿邊諸州軍如擒獲北界姦人可詰其事  
狀部送闕下當釋其罪縻至內地先是帝曰朝廷雖與  
北界通歡減去邊徭而虜之動靜不可不知自來領事  
者非可全去已令沿邊州軍且循舊制驅使深慮為慮  
所獲以為曲在於我朕熟思之彼亦遣人南來偵察如  
擒獲其人可不加罪羈於近郡彼若有詞引以為解故  
有是詔三月一日大州請許沿邊諸寨守把人丁置木  
弓箭以備戎寇後之九月令河北沿邊州軍遣人入北

界偵事者除要切須令總管司知者即如傳制申報非  
要切者不以聞報但以聞奏可也帝以通好之後慮或  
漏泄致有猜慮故有是詔十八日詔河東沿邊州軍應  
北界移牒事理無疑者即報之關機要者疾置以聞待  
報而答亦勿令知之時安肅軍言北界移牒尋捕所失  
牛畜本軍報云已具奏聞帝以事之小者不必淹緩俟  
報又慮事有非順難於施行者不欲出自朝議故有是  
詔四月七日順安軍言近遣衙前部送擒獲奸盜赴北  
界易州其知州侍衛將以賓禮饗餼甚厚慮彼復遣將  
吏至軍未審接待之禮帝命通諭沿邊州軍應北界遣  
公吏至並豐以饋餉或職位高者即以賓禮接之十四

日帝曰昨減邊城戍兵甚衆然恐此後難以增益其廣  
信安肅軍見屯兵及二年已上悉令更代並以軍旅人  
數完足者易其部伍殘缺者雖實增之無嫌也仍密諭  
河朔長吏凡軍士數缺自當廣務招置勿以敵境通歡  
輒怠其事五月詔陝西沿邊州軍蕃部罰納獻送羊馬  
悉著籍以給公費先是蕃部有罪納贖為贖及守臣出  
處更代多以畜擾為賀並入於長吏至有生事以徼其  
利者使之不寧帝兼知其弊欲遽止之復慮蕃戎犯禁  
無以為戒故有是詔三年八月四日詔河北安撫司  
沿邊州軍如契丹移牒捕罪人即自擒逐無得與水境  
同詣鄉先是北平寨準北界移文遣人捕為盜者因同



往擒獲故條約之六日原渭川鎮戎軍上新開方田圖  
且言戎人內屬者皆依之得以安居帝以知鎮戎軍曹  
瑋等能幹其職甚嘉之仍出示輔臣八日詔沿邊州軍  
自今彊盜入北界如賊屬北界並據見存者追還已費  
用勿追十三日禁沿邊河南州軍民於界河捕魚時契  
丹民有魚於界河彼國即按其罪牒報安撫司因命條  
約九月十九日詔選使臣二員為長城口巡檢一沿西  
山一東抵順安軍各給兵百人分道巡邏以邊民多齎  
禁物及盜販北界故也二十七日詔北界盜賊亡命至  
沿邊州軍者所在即捕送之時邊郡有盜入北境彼皆  
即時擒付邊將故也十月河北轉運使盧琰言契丹諸

族酋長欲緣界河放獵反借西山草地打圍帝曰契丹誓約甚明未嘗踰越此必傳者誤爾乃詔沿邊州軍如果有此事則移牒北境請依誓約既而邊奏言諸族出獵屢遣人誡部下無得越境今已北去十一月詔減河北河東陝西諸州指揮使臣以邊防無故也十日知雄州何承矩上言臣聞兵有三陣日月風雲天陣也山陵水泉地陣也兵車士卒人陣也今用地陣而役險以水泉而作固相茲高下建其陂塘白浪渺瀰而連滄海縱存胡騎何懼奔衝臣早建屯田之利後戎人犯塞高陽一路東負海西抵順安士庶安居實免侵掠雖人役暫勞亦制匈奴之長策況今順安以去地雖跨於數軍路

不遙於百里縱有丘陵岡阜亦多川漬泉源儻因而廣  
之審地勢而制塘堦自然戢胡騎而息邊患矣又如權  
場之設蓋先朝後權立制以惠戎人縱其渝信犯邊亦  
不知廢戎退商行以全大體更望慎擇疆吏出牧邊民  
則北陲安堵矣十二月雄州言頃者用兵之際本部每  
有密事不欲漏露因擇馴謹吏專主行之號機宜司今  
契丹修和請改為國信司從之

宋會要

景德四年三月詔北面沿邊起境外徑路自非權場所權歷並令轉運使因案部規度斷絕之四月河北安撫司言伏見巡邊使臣宋德交等以部下兵士散於北鄙山口控扼商旅道路乞降詔曰委自州縣差人控扼其宋德交等只令於官路警巡免致邊鄙懷疑緣此生事後之五月帝曰昨為霸州修葺城池不依舊北虜之人有詞過成憂慮兼據邊州軍言契丹界每見朝廷於沿邊興作皆多差人伺察動靜可令安撫司密行曉諭沿邊州軍長吏常以安靜綏撫除依誓約修葺城池外應移易寨柵開修河道不以小大並不得輒興功役致成事

端所有界河口內朔置橋樑意在隔北鄙舟船已曾處  
分楊保用仰遵稟施行其不得朔蓋亭臺街道等事即  
並依二月詔令施行是月帝宣示宰臣王旦等臣言雄  
州李允則於州城外決渠為水田渠通界河於理非便  
請令罷之樞密陳堯叟曰今天下和平忽決渠境上戎  
人豈不疑此誠不便帝曰可令凡寨柵渠不以大小無  
得創造六月帝日近日河北河東陝西沿邊州軍所言  
邊防事有全然不同者樞密院可編次所奏候歲終較  
定虛實以聞聊行懲勸七月詔翰林遣畫工分詣諸路  
圖上山川形勢地理遠近付樞密院每發兵屯戍移徙  
租賦以脩檢閱大中祥符二年三月詔曰向以邊防不

可無備遂令河北河東修葺城隍繕治器甲樞密院可  
作條件付邊臣每季首同閱視訖以狀聞遵為永制八  
月詔河東安撫司應管內州軍與契丹界往來公牒並  
知州軍照管前後條約只作本處意度施行常程公事  
即依例牒去稍帶機宜事意且牒本路送安撫司看詳  
並備錄實封進呈敢有違慢及回報國莽當議重行朝  
典先是帝覽代州奏迴契丹公文云所勾取投來百姓  
張醜兒等已放逐便訖帝曰明言受而縱之何失之甚  
遂有是詔九月詔審刑院大理寺定汭邊逃走及越關  
防刑名帝覽邊奏諸處斷罪各異故令重詳定頒下十  
月帝曰昨差使臣送定難軍趙德明官告回言廊延州

保安軍絕少林木可降詔諭逐處令以時栽植十一月  
河北安撫司言沿邊巡檢捕得北界民李守明檢括緣  
行衣物押送保州訖帝曰此輩雖至境上既非奸詐又  
無禁物不必拘留也宜令保州給其物以酒穀犒而遣  
之 十二月二十五日詔河北河東沿邊安撫司應近  
邊不逞之輩有妄言以惑境外者嚴加捕詰二十六日  
詔河北沿黃河先禁採魚葦小舟往來如聞細民賴以  
資給自今勿禁 三年二月帝詔示樞密院訪聞北面  
沿邊州軍有應係邊機之事但同尋常事與官吏四散  
商量便有行遣或致漏泄豈為穩便可密諭之只令知  
州軍與逐處通判鈐轄都監商議施行其餘官員使臣

不得輒有干預四月內出西面曹瑋張崇貴所上涇源  
環慶兩路州軍山川城寨圖示宰臣曰處置蕃部俱當  
至於諸條亦極詳細宜令別畫二圖用樞密院印一付  
本路一留樞密院七月遣使撫問西面沿邊守將時廊  
延路張崇貴言蕃落民以秋成獲田遣兵戍境帝曰此  
蓋慮德明之反覆爾故遣撫諭邊城仍訪崇貴防遏之  
策使迴言德明境內歉旱嘗為回鶻所侵德明率所部  
將剽迴種落故遣人守境上也十月帝謂宰臣曰光降  
詔令河北轉運司只作在彼意度與逐處同共點檢防  
城動使物色今覩轉運司言稱天雄軍差澶州臨江縣  
主簿宋利涉依詔點檢却是帶出朝廷指揮全不經心



仰降指揮取勘轉運司官吏仍令諸路轉運司副并提點刑獄朝臣使臣等今後因宣敕內涉机宜文字只作在彼意度施行公事並子細看詳行遣即不得更帶出朝廷指揮致成漏泄如違當行朝典 四年三月帝曰降文字與河北安撫使李允則等近日沿邊諸處頗聞興造勞役其本處及逐州軍應有剏造及添修閑慢舍屋去處並令且住免擾役軍民 六年十月詔河北沿邊軍州每年配置防城鹿角既無用處多致損爛即再行科率可令逐州嚴行條約 七年三月比部員外郎王允明言乞下沿邊州軍官吏并監臨主守之人今後常切辨認不得容留北界人入倉場庫務充脚夫帝曰

逐處容之已久事甚不便可降詔令嚴禁之六月九日  
河北沿邊安撫司言民王習於北界買到馬三疋已牒  
送順義軍訖帝曰界首人戶於北中買馬如聞北界買  
馬人名即皆寘極典全家遠配茲於可惻自今令安撫  
司如北界無文字根究即差人入夜牽放界首其捉到  
人不得令通析賣馬人名所居處但云不相識處免令  
屠戮蕃民十一日河北沿邊安撫司上制置沿邊後股  
塘築隄道條式畫圖請付邊郡屯田司提振遵守從之  
又言於沿邊軍城種柳蒔麻以備邊用詔褒之七月詔  
廬州消井鹽駐泊并監井使臣今後若在任能撫綏夷  
人邊界無事至得替日當與酬獎如不切用心別致生

事當行朝典十月吏部員外郎李及上言正當邊防所  
管弓箭手員寮指揮使自來無衣甲乞許量行置辦以  
備緩急又廊延路界地名押班嶺已來一帶並與北界  
山林接連乞禁止採伐並從之 八年正月詔秦州今  
後蕃部公事並總管鈐轄臣僚共議行遣如知州巡邊  
有便宜事即一面從施行訖關報總管鈐轄司先是秦  
州遣人深入戎境興置寨柵而州之亡卒有為鄉導以  
侵畧邊戶者鈐轄岑保正安撫上言訖與知州同巡邊  
帝曰秦州巡邊事望甚重今若與鈐轄同往即憲蕃部  
稟令不一久非其宜故有是詔五月禁沿邊人牧買他  
州貢奉人所乘馬又令河北轉運司裁減定例所科鹿

角以其數多擾人也十月詔河東安撫司今後如有私過北界偷盜及和同收買鞍馬孳畜物色等如是已過聞寨捉獲即於法決訖刺面配淮南界本城若別罪名未得斷遣其所犯事情分析以聞如未過聞寨捉獲及買者北界衷私過來人鞍馬孳畜物色等即依法決放更不配軍餘依前後條詔施行先是河東安撫司言代州民有與北界私交易者止依從重科斷竒嵐軍民有與北界私相交易及以貨幣之物至界首捕獲者仍於結罪區斷以其刑名不一乃命法官詳定而申明之九年五月詔獎知秦州兼涇源路沿邊安撫使曹瑋開浚濠塹自弓門冶坊床穰靜戎三陽定西伏羌永寧

小洛門威遠凡十寨共三百八里又添築擁城板橋皆以寨左廂兵充役無擾於民故也 八月詔河北沿邊州郡所種桑榆自今許人租課及以博紙 九月二十四日知并州周起言嵐石州並在河東邊上自來不係安撫司所轄望自今今安撫司管勾所貴凡有邊事悉得應援後之二十八日河北安撫司言沿邊官地所種榆柳望令逐處官籍其數以檢校後之翌日內出北面榆柳圖示輔臣數踰三百萬帝曰此可代鹿角也 天禧元年六月五日曹瑋上言南市歸順蕃部都省首領郭厮敦舉家居治坊寨甸一帶蕃部望就命為本族巡檢月給五千米麵五石後之十二月曹瑋等言近役兵

夫繕葺諸寨及砌掘縣城壕凡百三十七萬三千三百六十九功畢七月令府州置納質院二年四月知鎮戎軍張綸言原州界屢有蕃夷入鈔今規度門壕至車道峴約二十五里以為限隔從之六月禁止陝西州軍將黑添朱紅於北界貨鬻十月二十二日河北沿邊安撫副使張昭遠言保州等處種到榆柳歲避逃軍亦常殺害看守兵士及河北沿邊諸州軍寨柵城壕內井中彈鹿角馬卷牆內栽種到榆柳不少若不漸次去除深慮城邊非便望令採斫詔河北安撫司密切指揮二十六日張昭遠又言從北騎馬過來人如是送本地分州軍依例施行若是思鄉過來者如係私路者送定

州係東路者送瀛州取問詣實放令歸鄉其馬於群牧  
司送納從之十一月詔河東州軍自今所降文字涉機  
密並付機宜司置籍收領不得便付開析司 十二月  
詔曰如聞邠寧涇原等州流民多往秦隴州故關山及  
渭州山外鎮戎軍已未逐食熟慮無知之輩誘畧賣與  
蕃界令所在州軍縣鎮駐泊巡檢使臣覺察犯者依律  
區斷 三年三月內殿崇班韓令琮言前知環州初見  
民人多將違禁物色人口偷賣與北界詢其道路止於  
截原寨柳鎮二路望差蕃官於逐處緝捉從之 五月  
詔瀘州清井監如夷人動靜選諳會夷情者探候無得  
妄有興廢 梓峽路走馬承受公事臧滄言清井監每

營什將令  
入契丹界

有夷人動靜多據本監人戶妄作探報事宜虛有調發  
兵馬欲召三五戶有產業詣會夷情者給與衣糧充探  
刺事宜人故有是詔 六月詔自今諸色人將入口契  
丹界貨鬻者所賣人及勾誘人首領並處死如未過北  
界彰敗者決杖刺配淮南州軍牢城先是知雄州劉承  
宗言邊民誘賣人口于北界者甚衆乞賜條約故從之  
七月令河北州軍自今民有越北境收市斛斛及不  
係禁物數少為北境捕來者並決科一百釋之先是未  
有條目諸州決罰各異安撫司言其事故有是命 四  
年二月石隰州都巡檢使高繼昇請令投生人戶依例  
各自置弓矢鎧甲及上平等寨采木造船帝曰造船事



涉邊上疑於異俗不許也自今後之 五年十二月詔

廊延路鈐轄司自今蕃部販鹽及違禁物與巡檢兵士  
鬪敵殺傷人員兵士者其元行器械蕃部並處斬自餘  
徒黨依漢法區斷先是廊延路巡監兵士為販鹽人所  
殺傷者止令族衆均納羊馬其為寇蕃部全不科罪則  
巡監兵士頗類虛設故有是命 仁宗天聖元年十二  
月詔自今唐龍鎮申報公事並令麟府路軍馬司理管  
二年八月詔斷絕私過渡河西興販違禁物貨及鞍  
馬人等令河東轉運司檢詳前後條貫定奪聞奏 三  
年七月邊城上言體量得涇原路鈐轄周文質非理凌  
持蕃部廝鐸論及放却質子等致諸族蕃部傳箭結構

作過差太常博士張仲宣閤門祇候丁保衡乘傳往陝  
府等截置院推勘內殿崇班毛昌達監勘案上周文質  
先發意與總管王謙史崇信同商量斬先作過蕃部首  
領厮鐸論知渭州馬洵美亦不合與文質商量放質子  
往大虫峴安撫蕃部及文質有違宣命修鉅器械取索  
諸蕃首領文狀到蕃部疑懼作過於是責文質授率府  
率荆湖南路安置王謙等免勘仍從別敕處分馬洵美  
特罰銅三十斤移處差違 九月陝府西汧邊安撫使  
范雍言汧邊州軍及總管司每蕃部有罪舊例輸羊錢  
入官每口五百文後來不以罪犯輕重只令輸真羊乞  
自今後令依舊納錢及量罪重輕依約漢法定罰免至

苦虐蕃部從之

四年六月三司言准詔令於河北州

軍配研鹿角城四面密種桑棗免逐年科配已牒轉運  
司遵稟施行中書樞密院同奏河北防城自和好已來  
久有定規乍此改更恐成煩擾且令轉運使副躬親相  
度具利害聞奏從之 五年十二月知環州史方言欲  
乞自今沿邊溪戶百姓諸色人於熟戶蕃部處賒買羊  
馬借貸錢物並須用文約立限交還如違約不還估贓  
滿十千已上從違制斷曾於限內還錢者從違制失若  
估贓不至十千並不歸還者亦從違制失內曾於限內  
還錢者不應為重斷如有漢戶百姓將帶妻口等投熟  
戶蕃族內居住者從違制斷若止自身與蕃部合種口

苗從違制失別犯重法自後本條詔大理寺詳定以聞  
寺司檢會淳化三年詔秦州自今諸寨監押常切鈐轄  
將校節級等各著地分壕門守把巡宿不得擅入蕃界  
亦不得輒放百姓入蕃取柴燒炭仍斷絕軍人百姓通  
事不得與蕃人交易買賣賒貸脫贖欠負蕃人錢物侵  
占土田如是蕃人將到物色入漢界買博一准先降宣  
命並令漢戶牙人等於城寨內商量和買不得侵欺蕃  
人及賒買羊馬物色虧欠錢物別致引惹邊事不和如  
有違犯捉送秦州依格法勘斷如諸寨監押不切遵守  
鈐轄致引惹蕃部不寧仰秦州密具申奏當行嚴斷又  
景德四年詔秦州諸人自今或與蕃部買賣並各將錢

交相博買不得立限賒買及取覓債負致有交加諸色人公然於蕃部取債及欠負錢物不還即追領正身以所欠錢物多少量罪區分仍差人監催還足如欠負蕃部錢物稍多量情理詐欺者其正身逃避即追禁親的骨肉及一面緊行追捉候獲日依格法斷遣若是賊滿即奏裁又天聖四年涇原路副總管康繼英定奪百姓弓箭手不得典買租蕃部地上許令蕃漢願合種利害聞奏檢會先准宣止絕漢戶弓箭手百姓不得典買蕃部地土若却令蕃漢合種未免被弓箭手百姓姦倖侵欺引惹邊上不寧乞嚴斷不得私典買租賃合種蕃部地土任令蕃部取便養種如有違犯元典買租賃合

種百姓弓箭手並科違制之罪仍刺面配向南遠惡州  
軍牢城看詳淳化三年景德四年詔並下只秦州天聖  
四年詔只下涇原路內據陝府西轉運司狀淳化三年  
詔斷絕百姓軍人不得與蕃人交易買賣切慮蕃部致  
疑別生邊事久未已不施行外欲將景德四年天聖四  
年詔偏下環慶廊延涇原等三路緣邊州軍檢用施行  
其史方所言更不詳定從之 六年三月詔河北沿邊  
安撫司自今有北界思鄉過來人口若不曾於北界為  
官並依累降條貫指揮如曾授北界官者即便不得收  
接任矣遂便仍令密切聞奏兼仰安撫司不得張皇漏  
泄 四月詔河北沿邊州軍有北界思鄉歸來人依河

東甌例相地里遠近於舊例上量添支與盤纏錢 五  
月邊臣言河朔久旱民多乏食煮淖糜以救飢者當界  
不敢煮糜恐流民所萃以為民患 十月三司戶部副  
使王陵言言河北沿界河寨鋪百姓公人逐月上納一  
二千錢名額買撲酒稅課利但聚合疆惡百姓飲酒恐  
生邊事並乞停廢從之 十二月二日詔雄州歸信容  
城縣兩地供輸人戶充衙前稍有過犯即逃入北界深  
為不便自今仰於近裏州軍充衙前勾當錢穀場務  
十一日詔陝西諸路緣邊蕃部使臣首領人員等如今  
後自作過犯合斬罪罰并令蕃部使臣首領人員等親  
自出辦送納即不得更於族下戶上非理科欵如違重

行罰斷仍令逐路總管鈐轄軍馬司常切覺察

宋會要

明道二年三月十七日知成德軍劉平言安肅廣信軍并保州各相去三四十里其間平原廣野乞自保州已西如稻畦墾作方田每年漸次開展乞專委西路沿邊巡檢都監楊懷慙相度可否建置方田必有成績詔令楊懷慙漸次興置稻田仍令劉平常切照管 十月詔保州山口置把截鋪每鋪兵級十一人充巡子月一易之仍令長城口西巡檢都大提舉管勾 景祐元年十二月一日陝西走馬承受公事言趙元昊舉兵攻唃廝囉請下陝西預為邊備從之



宋會要

景祐五年二月七日環慶路總管司言訪聞北界金湯等閑兵誓衆計欲侵疆詔下本路脩其不虞

宋會要

寶元二年四月陝西轉運使張存言切見涇原環慶諸州駐劄兵馬不少其當職之官多務修葺城池欲為固守之計並未見訓厲兵馬使令精銳及未見於蕃賊出入一州道路預為控扼防其奔衝切緣陝西次邊及裏州軍如邠寧涇耀廊坊等州雖有城池不甚牢壯受敵復又至邊界地里不遠恐使蕃賊得知乘其無備分頭以勁馬奔衝北至沿邊出兵邀遮其內地鄉川已遭劫

掠內地一擾人何以堪乞令陝西諸路兵馬總管司常  
切訓屬所管兵馬器甲悉令精銳蕃賊出入山川道路  
亦須控扼遇有蕃賊入界並須盡時會合掩殺扼截即  
不得以守護城池為名端坐不出縱令賊馬奔衝內地  
劫掠人民若有違犯其出入地分總管鈐轄都監巡檢  
等並乞重寘於法詔下鄜延環慶路沿邊安撫司施行

七月鄜延環慶路副總管劉平言今後沿邊或有不  
寧將小寨子內人馬并糧草預前暫移搬入大鎮寨內  
安泊早晚強壯人馬就小寨子內卓望探候寇來則自  
內地出兵掩襲亦不須逐處占留軍馬過為隄備詔涇  
原環慶鄜延秦鳳路總管司施行 三年二月二日參

知政事宋庠言請於潼關別添使臣兵甲嚴設守備詔如其請 康定元年四月二日上封者言請併沿邊寨柵詔葛懷敏躬親與諸州總管鈐轄從長相度存廢訖奉仍檢會前後臣僚規畫起請事件降宣命指揮 六月陝西都轉運使龐籍言近至延州定奪所廢諸寨而邊臣之議多欲固留若諸寨居要害之地首當戎人入寇將以餌賊而自貽其患正月中賊自安遠寨門二寨引兵入破拷寨金明縣如踐無人之境昨寨門被圍日久而延州未嘗發一人騎往救賊聲言朝廷已棄此寨於是衆皆潰走糧草器甲無一存者近承平寨垂破副總管許懷德與兵馬都監張建侯領兵赴敵賊始退若

寨門稍得援兵亦未致屠盡今日廢並邊小寨外其所  
存皆在近裏道路寬平之處請嚴戒邊吏自今逐寨緩  
急有警並令互為應援從之 十一月二十四日並州

路兵馬鈐轄司言利州路轉運張宗彝言西賊自大州  
有路直到並州城下請於龍州清川縣防守令相度只  
於龍門添戎兵三百五人選武臣知州逐季量差兵士  
往清川縣防備巡察實為便利從之 十二月五日中  
書樞密院言訪聞日近吳賊界令人詐作漢兵入契丹  
地分劫掠請令河東沿邊安撫司密行體量仍令地分  
常切辨認衆殺不得透漏如獲人勘詣實行遣訖只許  
本處意牒知北界從之 慶曆元年五月三日代州言

本州湯武寨有北界人侵耕禁地蓋繇前寨主彌文寶失巡防所致請自今代州沿邊諸寨有天巡察北界人戶侵耕者准透漏賊盜條論罪如之 六月詔陝西諸路總管司自今但嚴備毋得攻掠賊界或遇入寇須牽制者即臨事裁處之 二年七月五日陝西安撫使王堯臣乞逐路都總管如賊兵燒鄰邊即時出師取徑路策應及約束主兵官常切訓練軍馬遠設探候詔頒行諸路從之 是月翰林學士王堯臣言昨安撫陝西體開得延州鎮戎軍渭州山水三敗之由皆為賊先據勝地誘致我師將佐不能據險擊歸而多倍道趨利方其疲頓乃與生兵合戰賊始縱鐵鷄子衝我軍繼以步奚

挽強注射鋒不可當遂至掩覆今防秋是時望敕主兵之官常訓練軍馬遠設探候遇賊入界先度遠近俟立定營寨然後料其衆寡而奮擊之毋得輕出兵從之是月陝西經畧安撫招討副使曹琮言近招誘堪彼甲青鷄川等處戎人內屬請下秦鳳路總管司常存撫之其酋長能立勞效者優與補官又請三都谷至渭州靜邊堡路置堡寨控扼賊馬並從之又詔河北河東近經霖雨恐城壁摧墊互加完葺及所部有衰疾不任職者選吏代之十二月樞密院言環慶馬步軍副胡總管王仲寶弟破金湯等城斬首繞二十九級而官軍戰沒者四十九人深慮戎人復來犯邊欲令廊延路預為

脩禦後之 是月代州契丹舊封界在蘇直等見耕之地而近輒移文欲以故買馬城為界慮有侵耕不便詔本州牒諭之 二年二月知保州衣庫使王果言聞契丹與昊賊潛相結約將謀興師請自廣信軍以西緣山賊馬出入之路預為脩禦後之 三月環慶路都總管司請於柔遠寨東節義峯馬鋪寨擇地並建城寨以牽制賊勢涇原路又請於細腰城屬羌地內建寨以接應兩路出兵並從之 九月詔河北隄塘及所在閑田中官所種林木毋輒有採伐違者寘其罪先是上封者言往歲安撫使賈宗惠邊地平坦不足以待寇故植榆柳為塞以絕戎騎之奔突其後林木既成虜人患之迺使

人間說知雄州張昭遠曰楊可以為長梯砲稍昭遠信之悉斬以為用後復栽植比年以來方及拱把而議者又欲伐取是又行前日之間矣誠恐緩急無以禦敵故有是詔三年正月涇原安撫使王堯臣言至陝西見鄜延環慶路其地皆險固而易以守惟涇原則不然自漢唐以來為戎虜之衝漢武時匈奴入寇燒回中唐則吐蕃回紇再至便橋渭水皆由此路蓋自鎮戎軍至渭州沿涇河大川直抵涇邠以來畧無險阻雖有城寨多居平地賊徑交屬難以扞防如郭子儀渾瑊常宿重兵守之今賊昊盡有匈奴吐蕃故地自叛命數年凡由此三八寇今朝廷置帥府於涇州為控扼關陝之會誠合



事機然頻經敗覆邊地空虛士氣不振雖兵馬新集全  
未訓練儒生又多選懦觀其事形固未可攻取在於守  
禦之具盍不及前願覆親往迹深監近弊選三路道徑  
戰鬪將佐三五員及以見戍新兵換舊人五七指揮於  
本路相兼訓習儻一路事力完實則賊雖欲長驅入寇  
必生顧慮之心臣畧論一路五州軍城寨控扼要害及  
賊徑交通之處脩禦輕重之策凡五事其一鎮戎軍接  
賊界天都山止百餘里西北則有三川定川劉璠等寨  
與石門前後峽連接皆漢蕭關故地最為賊馬奔衝之  
路內三川地勢據險可以保守定川劉璠二寨新經條  
築而定川城壁不甚完須再增葺及添兵馬糧草之脩

其寨主監押當令本路主帥舉辟材勇班行朝廷若謂  
昨來懷敏之敗定川諸寨不足為悍遂為棄地則鎮戎  
軍西北兩路更無保障賊馬可以直趨城下弓箭手亦  
無依援所給土田難以耕作其東路沿邊有天聖乾興  
東山彭城四寨與原州平安開邊等寨相接近亦為賊  
馬所擾恐近界明珠滅藏等族更為應援此四寨亦當  
如三川等常須擇人脩兵以防入寇其東南至渭州瓦  
亭寨有獅子欄馬平泉三壁獅子堡雖城壁舊頽其間  
甚有居民昨欄馬為賊攻破城門劫蕩人戶棚壘多已  
平毀唯山城倉草場僅存平泉亦嘗經賊火其中之人  
蓋去十八九此三處俟春蒞當營築為涇渭之屏蔽不

爾其勢不攻而自下一路隔絕更無斥堠鎮戍遂為孤  
壘矣其二渭川籠竿羊牧隆城靜邊得勝四寨在六盤  
山外內則為渭州蕃籬外則為秦隴襟帶土地饒沃生  
齒繁多內籠竿城蕃漢交易市邑富庶全勝於近邊州  
郡賊久有窺伺之意蓋距賊界則路甚平易去內地則  
有山川之阻萬一為賊先據其要以兵扼鎮戍軍三川  
南谷并推沙木峽一帶路口則鎮戍渭州難以出兵救  
應四寨為賊攻脅力不能支則人心自潰臣今請建置  
為軍擇路分都監一員知軍專提舉四寨及令修濬城  
塹添屯馬軍及時聚畜糧草以為備禦又瓦亭寨其西  
則居鎮戍大路其東則歷彈箏峽蒿店安國鎮至渭州

其東南控六盤來路其南去制勝關萬歲寨二十里與儀州相接自唐以來皆宿重兵馬控制之地當四路走集最為衝會常宜置一將軍馬以扞其奔軼又州之北東有小盧新寨耀武鎮至潘原界近亦為賊騎所掠全無備禦之具並須葺之其三原州東南田羅交驛至涇州九十里又西北由開邊平安彭陽武城東山等寨至鎮戎軍一百八十里其四有柳泉鎮路通佛空平細腰城至環州定邊寨與明珠滅滅及環州蘇家等族一帶蕃部相接其首領至多素無保聚不相維統向背離合所守不常須擇武臣知環原二州相為表裏使招輯部族但不為賊用則庶幾少滅涇原之患其四儀州地控

山險制勝關西五里有流江口東二十里至白岳河南  
有細卷口又有安化峽一帶止隔隴山並通永洛城生  
戶八王等族即唐吐蕃出入之路今逐路隘口雖有小  
寨柵控扼然亦備禦未至近亦屢有生戶入寇又自黃  
石河弓門床穰長山寨至秦州二百餘里由赤城鎮至  
隴州不及百里或秦隴有急則地界為最近若賊馬引  
大衆旁縱侵掠則儀州軍馬少將佐未得人禦之之計  
甚可憂也又州城低薄周才四里有餘壕塹淺狹三分  
軍民二分在外設若賊騎至瓦亭南移制勝關或緣隴  
山假道水洛城或由秦隴州直趨州界皆能入寇至時  
雖能城守居民必大遭剽掠亦宜預慮之其五涇州雖

為次邊然緣涇河大川道路平易當賊騎之衝西北八  
九十里是大虫前後嶢其東北接原州彭陽縣及本州  
長武寨俱有徑路與明珠滅臧等族相通此實近裏控  
扼之會其張村直入路宜營作關寨或斷為長塹以遏  
奔衝朝廷近差韓琦范仲淹於此開置帥府亦足以建  
威厭敵也臣今來所請增葺要害城寨若無丁夫可役  
處許以省錢給帶甲兵士今蕃築之仍量添守兵積蓄  
糧草繕完器械如西賊大段熙集公邊屬戶各有骨肉  
在賊界居住宜多與金帛探候預令蕃漢人戶入保近  
城寨一則兵少處得人共守二則免為驅虜致邊地空  
虛仍先密諭諸寨官吏或遇圍閉各令堅守本路將佐

即未得出救兵憲為賊誘枉遭敗覆既未出兵則可於  
邊人及諸軍內召募驍勇敢死之人令伺隙夜撓賊營  
俟其潰動即掩擊之其圍閉之時宜令持重觀釁庶無  
速戰之禍議者或曰若兩則必有深入之患我師未出  
寇必大獲而去臣以謂昨定川之敗賊知近裏城寨空  
虛遂乘勝而入今若威寨益屯兵馬又有脩禦之具須  
防後虞未敢有長驅之計縱其來攻則各堅壁以守之  
若敢行剽虜則其勢自分可以出奇邀擊況已經畫諸  
路常置一將軍馬於旁近界上緩急應接賊果長驅而  
來則選勁兵伏截險阻又路有寬狹必有能方行而前  
首尾差遠難以相衛宜自取敗覆也其一路事形臣熟

與邊臣計議當如此備預望下韓琦范仲淹相度施行  
從之 是月詔河北轉運提點刑獄安撫司提舉修完  
城壘

宋會要

慶曆四年正月陝西宣撫使韓琦言今朝廷未能討伐  
元昊則為守禦之計修完城寨遇賊至清野以待之當  
不戰而自困矣臣自至涇原路相視諸城寨類當營葺  
然鎮戎軍及山外弓箭手去年差役修城已重勞苦若  
今春止令增築所居城堡必自無辭如修生戶所獻水  
洛城頗為未便蓋水洛城通秦州道路自涇原路新修  
章川堡至秦州床穰寨百八十里皆生戶住坐止於其



中通一徑須築二大寨及十小寨方可互為之援其工  
力自以百萬計仍須採山木以修敵棚戰樓解舍軍營  
及防城器用雖即完就又須正兵三四千人更歲積糧  
草始能屯守之其費若此止求一日以通秦原之援兵  
兼去儀州黃石河路才較兩驛況劉滄昨已降水洛城  
一帶生戶近李中和又屈伏隴城川蕃部各補職名為  
屬戶若進援兵動不下五六千人諸小蕃族豈敢要阻  
是則雖無水洛之援官軍亦可往來且近邊城堡切於  
堡聚人民尚力有未及何暇於孤遠無益之處枉勞軍  
民乎請就差劉滄李中和為涇原秦鳳路巡檢令每月  
互領兵於水洛隴城川習熟所通之道以脩緩急策應

仍下陝西四路總管司涇原路經畧司且并力修葺逐處未了堡寨其水洛城候向去別奏取旨從之 時遣三司監錢副使魚周詢宮苑使周惟德往陝西相其利害而諫官孫甫言乞留兵以畢其役歐陽修請密諭狄青使釋浚罪知永興軍鄭戡言尹洙實欲沮壞其功後城雖成亦罪浚等 七月詔陝西四路依近降夏國誓詔毋得招納西界蕃戶 先是環慶路經畧司招誘西界先虜渴蕃官浪尾等七百六十二人朝廷怒因而生事故約束之 五年正月樞密副使韓琦言朝廷已封冊夏國又契丹以西征回來告令范仲淹富弼往河東河北經制邊事必有所陳然臣久在陝西敢復陳陝西

合措置事宜鄜延環慶涇原秦鳳四路雖罷招討使而  
邊備不可弛請仍選有才望近臣之之主帥特降手詔  
委之久任使其經營一方以脩羌人翻覆之變又四路  
所駐兵十分中宜留六分在邊二分令東還二分徙屯  
近裏州軍其鄜延路徙屯河中府環慶涇原路徙屯邠  
州永興軍秦鳳路徙屯鳳翔府逐路分鈐轄一員駐泊  
都監二員與逐處知州同行訓練而本路仍領之非有  
事宜不得輒抽動其徙屯軍馬處知州才望輕者請選  
人代之又四路所抽就糧上兵請委逐路帥臣相度歲  
分兩番留在邊一番放歸本處不唯減節邊上糧草兼  
使無久戍之勞人陝西州軍經南郊賞給之後官帑例

皆空虛今范仲淹若過陝西宣撫刺史有軍閫特支使  
蓋所費若臣策可行陝西亦別無處置不必淹仲更往  
也復見諸路昨招置宣毅兵僅十一萬然朝廷物力未  
充何以贍給況閭里竊發自有巡檢縣尉可以補擊若  
防群盜只當益屯一路都會之地不必每州盡要防守  
其宣毅兵欲乞降河北河東外其京東西淮南兩湖江  
南荆湖福建等路每指揮可減以三百人為額後有闕  
即招填之今天下兵冗不精耗盡財用陝西河東河北  
京東州軍已曾差官揀選其餘路亦請選近上內臣分  
往揀選所貴冗食可蠲而往費可給也帝悉施用其言

二月詔陝西河東經畧司夏國雖復稱臣其全邊臣

益練軍馬毋得輒弛邊備其城壘器甲逐季令轉運程  
點刑獄按視之 二十七日并代等路經畧司言相度  
到沿邊禁地岢嵐火山軍許人戶邊壕十里外請射忻  
州寧化軍乞仍舊禁止從之 是月河東安撫使歐陽  
修言河東之患患在盡禁沿邊之地不許人耕而私糴  
北界粟麥以為邊儲其大利害有四以臣相度今若募  
人耕植禁地則去四大害而有四大利河東地形山險  
饋運不通每歲傾河東一路稅賦和糴入中博市斛斗  
支往沿邊州軍人戶既不能輦致遂齎金銀錢就北界  
貴糴之北界禁民以粟馬南入我境其法至死今邊民  
冒禁私相交易時引爭鬪輒相斫射萬一引惹而構事

端其患一也今吾有地不自耕植而偷糴隣界之物若  
敵常歲歲豐及緩法不察而粟過吾界則尚有可望苟  
虜歲不豐或與我有隙頓嚴閉糴之法則我軍遂至乏  
食是我師餓飽繫於敵人其患二也代州岢嵐寧化大  
山四州軍沿邊地既不耕荒無定主而虜得以侵占往  
時代州陽武寨為蘇直等爭界訟久不決卒侵地二三  
千里今寧化軍天地之側杜思榮等又來爭侵岢嵐軍  
亦爭掘界壕賴米光睿多方力拒而定是自空其地而  
誘北人歲以爭界其患三也禁膏腴之地不耕而因民  
之力以遠輸其害四也臣謂禁地若耕二三歲間可使  
不糴北界粟麥則邊民無爭糴引惹之害我軍無飽餓

在敵之害沿邊田有定主則使彼此無爭界之害邊州自有粟則內地人民無遠輸之害是謂去四大害而有大利今四州軍地可二三萬頃若盡耕之則歲可得三五百萬詔下沿邊議而議者以為奇嵐火山軍其地可耕而代州寧化軍去虜近不可使民盡耕也 六月二十三日真定府定州等路副都總管狄青言昨者西事沿邊賊馬入寇道路不拘谷道及轉山領通人馬行處卒是奔衝使耕種牧放等人無由避閃致被驅虜今因邊民稍閑應係沿邊則軍城寨地分內開墾地頭方田稼子不拘嶺谷道平地盡使開闢蕃部百姓及弓箭手各自地分內不以日限漸次開墾壕子深五丈濶五尺

免致賊馬薦來奔衝抄劫人口孳畜不三五年中間可  
開邊界至裏三二百里常令本地分官吏提舉照管各  
自地頭漸次修葺不致勞費以此禦邊緩急蕃賊抄掠  
有此阻隔使邊民扶携老小脩辦得及此乃久遠之策  
仍乞作朝廷擘畫行下詔陝西四路安撫等司相度施  
行 七月一日詔陝西都總管司若有蕃兵的入漢界  
驚劫人戶踏踐田苗即得出兵禦敵驅逐出界亦不須  
遠去襲逐如蕃兵未致入界侵犯人戶輒出兵馬開敵  
不以有功無功並行勘鞠等嚴 八月詔夏國比進  
誓表惟延州保安軍別定封界自餘皆如舊境其令陝  
西河東嚴戒邊吏務守疆土毋得輒有生事 十一月



詔河東陝西經畧司自內屬蕃部毋得侵擾西界犯者當以軍法論如西界人馬先犯境方聽出兵禦捍之

六年五月十九日臣寮上言瀘州清井監有兩界夷人散居山谷外接生界烏蠻內連戎瀘州州縣竊聞有臣寮乞補烏蠻官爵彈壓夷人恐未為便今瀘州清井監江安縣須藉得力人禦備欲乞今後知監并都同巡檢并經選差外其知監監押江安知縣委自本路鈐轄及轉運使於轄下選舉有心機幹勇使臣詔今後瀘州清井知監及監押江安知縣今本路轉運鈐轄司預先選舉使臣以聞 二十一日詔環慶路經畧安撫司子細詳酌本路委的見得見爭之地元屬河界所降誓條朝

旨詳究或顯屬漢界即令地分多方爭執若委是阻絕  
以前元係蕃界今更不分定依舊住坐選差曉事言語  
分明人只作本司意度諭與西人明示事理許令住坐  
却與商議開一大壕為限更有合設隄防遮護漢界城  
寨地上去處亦便悉心擘畫了當以盡本處無至逐一  
旅取朝旨 七月五日詔臣僚言恐契丹發端人界用  
兵次第不曾設脩須是預設謀策臨時遵守河北路坦  
不似西邊用兵須存古法舊規陣場乞下河北要路相  
戰處州軍總管司預為商量乞體量鎮定西山道路近  
遠預先分定兵馬准防懷衛州乞預選駐泊河陽滑州  
預差鈐轄准防脩設詔預設謀策泊踏逐道路令夏竦

相度預議陣場令總管司相度並以奏聞 二十一日  
知雄州王仁上言乞節掠誓書內邊臣合知事件一本  
收掌照會迴荅北界公牒詔昨來誓書內兩界塘淀除  
以前開畝者並依舊外自今後各不許添展及非時霖  
澇別致大段漲溢並在關報之限仍令夏殊喻河北沿  
邊安撫司並不得緣此將非時霜雨衝澇合修疊去處  
別有滯執失於整齊 八月十五日樞密院言廊延環  
慶兩路防秋是時況為收納西界歸投人戶不少即慮  
非次募至奔衝取奪劫掠欲令廊延環慶經畧司密諭  
沿邊泊諸城寨主兵官吏并巡檢使臣蕃官人員等不  
住差人探候常作準備不得小有疎虞從之 十二月

五日判大名府兼河北安撫使夏竦言河北沿邊安撫司乞沿邊捕盜官吏如北界賊人深入近裏即便收捉今相度如有外界人入來界內守把巡邏人輒敢取財物不捉送官從違制論若收捉時器伏聞敵即許禦捍從之

### 宋會要

七年正月十三日詔陝西諸路諭屬戶蕃部首領等如西界人馬的是侵入漢界作過許令殺逐出界仍令都同巡檢主兵官員如有蕃賊入漢界劫掠與屬戶鬪敵即經畫時策應 是月禁河北沿邊居民出漢界 二月十六日詔夏國近差楊守素等到延州商議邊境事

節并河東路豐州地界並未可從慮恐沿邊不切預脩  
是或別致踈虞令陝西諸路河東路經畧司巡檢主兵  
官員使臣等不住選人深入探候齊整軍馬常作禦脩  
七月知趙州張禮一上言近者朝廷令河北郡縣民  
每五家使之相保當州自行茲法以來虜中姦覘比多  
敗獲蓋保法已有効昨奉詔令漸次施行乞再都諸郡  
連成前法從之 皇祐元年三月十一日知定州韓琦  
言本州界以北乞一槩禁止採斫山林從之

### 宋會要

十月河北沿邊安撫司言請自保州以西無塘水處廣  
植林木異時以限胡馬從之 三年十月詔陝西沿邊

毋得誘致生戶蕃部獻地以增置堡寨 四年十一月  
詔都大提舉廣南經制盜賊事狄青本路吏民有與蠻  
人買賣博易者斬許以聞仍徙其家嶺北 五年八月  
五日臣僚上言沿邊謀知北界多年斥言用兵其河東  
接虜之境堡障尤宜選將蒐卒厚為儲脩詔河東經畧  
都總管司施行 是月詔禁化外蠻人過嶺北者 至  
和元年九月詔梓州路轉運司如聞戎瀘知州每遇夷  
人入寇領兵至邊而所過多率民供醜糧肉寇未卻而  
已擾其行禁絕之 十一月三日知諫院范鎮言兩川  
備豫便宜寬假民力修利器械宜於沐源川設脩詔送  
樞密院

宋會要

嘉祐元年四月詔陝府河中府差防橋打凌兵士赴麟府等州防凍 四年二月七日詔三班院今後文州安昌寨及文州南路鎮駐劄并龍州清川知縣使臣年滿並令選差使臣以當西界之路謹脩禦也 十一日河東路經畧使孫沔言乞廢罷府州西安靖化宣威清塞百勝中候并麟州橫戎神木惠寧肅定鎮川臨寨等十二堡寨使臣兵馬糧草只令鄰近大寨內輪番差人往彼守管以為斥候并乞於鄜州西襄家垣砌立寨城一所積聚糧草准脩緩急應副麟州實為大便并画圖以進詔存留麟州鎮川府州中候百勝清塞四堡寨餘皆

廢之 五年十一月廊延路經畧司言沿邊德靖等十堡寨頻有賊馬入界開墾生地并剽畧畜產雖以戍兵扞守比稍習山川道路又復代去欲於十堡寨招土兵兩指揮教以騎射之法每歲留屯百人從之 六年六月十六日雄州曾偕言信安軍界河有北界人戶打魚採葦又是北岸難以上絕若因而不問又官私船交相往來深為不便乞降指揮詔令河北沿邊安撫司常切採候如的實不虛即婉順止絕 是月太原府代州兵馬鈐轄供備庫使忠州刺史帶御器械蘇安靜上麟州屈野河界圖 初麟府西南接銀州西北接夏州皆中國地也慶曆中元昊既納款知麟州禮賓副使張繼勲



奉詔定界至而大案無在者乃問州人郡巡檢王吉及父老等皆云繼遷未叛時麟州之境而至俄枝盤堆乃寧西峯距屈野河皆百餘里西南至雙烽橋店子平彌勒長平監院等距野河皆七十餘里咸平五年繼遷圖麟州陷濁輪軍馬等寨大中祥符二年始置橫陽神堂銀城三寨皆在屈野河東以衙前為寨將使蕃漢義軍分番守之又使寨將與虜沿邊酋長分定疆境橫陽寨西至故俄枝寨四十里州城西至大橫水六十里西南至浪蕪平五十里神堂寨西至伺候峯三十五里西南至赤隄谷掌四十里次南至野狸塢三十里銀城寨西至榆平嶺四十里西南至清水谷掌五十里次南至大

和拍攢四十五里次南至洪崖塢四十里次南至道先  
谷中嶺上六十里天聖初州官相與沿河西職田久不  
決轉運司乃奏屈野河西田普為禁地官私不得耕種  
自是民有竊耕者虜輒奪其牛曰汝州官不敢耕汝何  
為至此由是河西遂為閒田民猶歲輸稅不得免謂之  
草頭稅自此虜稍稍耕境上然亦未敢深入也及元昊  
之叛始挿木置小寨三十餘所於道先洪崖之間盜種  
寨旁之田此至納款所侵才十餘里是時朝廷以更定  
誓詔不欲與虜分明界至乃修河濱堡閤門祇候張宗  
武諭張維勳曰若西人來即且荅以誓詔惟延州保安  
軍以人戶所居中間為定餘路則界至並如舊無未定

之處若西人固欲分立則詳其所指之處或不越舊境  
差官與之築立牌候以為界雖勲烈前後界至地名奏  
之且云今若以河西為禁地則虜益得恣其貪心進逼  
河西之地耕鑿畜牧或興置寨柵與州城相非便若  
用咸平五年以前之境則太遠難守請以大中祥符二  
年所立之境為定詔雖勲與宗武先審定之即不得明  
行檢踏以致生事雖勲復申經畧司前所議疆境已得  
其實無以復易乃遣臨塞堡監押三班借職馬寧指使  
殿侍康均待西人於境上又令麟州通判領其事虜言  
我馬足所踐即為我土與相辯詰久之會虜數遣人求  
通寧星和市雖勲使均等以此邀之虜把關本尉曾勉

及管勾和市曹勅謂均等曰若通寧星和市府疆界請一切如舊經畧司令詣保安軍自陳未幾果詣保安軍朝廷以為疆界既如舊乃許之及繼勲坐事去後知州事者懲其多事取敗各務自守以矯前失會有指使過河西為魯所掠乃禁吏民皆不得過河西王吉嘗過河西巡邏州司輒移文劾之自是無敢過者諸保寨亦利民不過河而虜無軼境歲滿得還官故禁之尤急虜初猶顧望未敢數歲之後習知邊吏所為乃放意侵耕然其州西猶距屈野河二十餘里自銀城以南至神林堡城十里或五七里以外皆為虜田矣虜明指屈野河中夾為界或白晝逐人或夜過州東剽竊貨畜見邏者則

逸去既渡水人不敢追也及管勾軍馬司賈逵行邊見所侵田以責主者知州王亮懼始令邊吏白其事經畧司遂奏土人殿直張世安賈恩為都同巡檢以經制之然虜得耕久晏然自以為已田又所牧皆入其酋沒藏訛龐故世安等迫之則鬪戰緩之則不肯去經畧司屢列舊境檄之使歸所侵田訛龐之姊使其親信部細皆移者未視之還白所耕皆漢土乃召還訛龐欲還所侵地會皆移作亂誅而國母死訛龐益自得正月領兵至境上比及三月稍益至數萬人又自麟延以北發民耕牛計畝畫耕屈野河西之田會國人有與之異議者復召其兵還衆皆空壁去然銀城以南侵耕者猶自若也

蓋以其地外則蹊徑險狹秋多栢叢生漢兵難入內則  
平壤肥沃宜粟麥故虜不忍棄也當是時經畧使龐籍  
欲築二堡以制其侵耕堡未就而郭思敗虜益肆其後  
李思道孫玆相繼往議不合至是蘇安靜與國人輒移  
呂寧拽浪潦黎始定議其府州自樺泉骨堆望狼堆埋  
浪莊地尾接橫陽河東西一帶築墩九自蛇尾旁順橫  
陽河東岸土西界步軍照望鋪間築墩十二自橫陽河  
西以南直埋井烽築墩六自埋井烽西南直麟州界俄  
校軍營築墩三自俄校軍營南至大橫水染枝谷伺候  
烽赤犍谷掌野塢西界步人照望鋪相望築墩十二其  
榆平嶺清水谷頭有西界奢俄寨二從北訛屯山成寨

一次南麻也乞寨一各距榆平嶺四里其大和拍攢有  
西界奢俄寨四從北訛屯過勝寨一次南吾移越布寨  
一次南麻也吃多訛寨一次南麻也過崖寨一各距大  
和拍攢五里其紅崖塢有西界奢訛寨三從北岡越崖  
寨一距紅崖塢二里次南訛也成布寨二各路紅崖塢  
一里其道先都隔有西界奢俄寨二並係訛也成布寨  
在道先都隔上其十一寨並存之如故寨東四里各有  
西界步人照望鋪亦築墩十二乃的無自今西界人無  
得築墩耕種其在豐州外漢寨及府州界蕃戶舊奢俄  
寨並復修完府州沿邊舊奢俄寨三十二更不創修麟  
界界人戶更不耕屈野河西其麟府州不耕之地亦許

兩界人就近樵牧即不得挿立稍圈起蓋庵屋違者並  
捉擲赴官及勒住和市其兩界巡緝人員各毋得帶衣  
甲器械過三十人騎 七月八日河北提點刑獄張問  
言張茂則乞塘灤八州軍於塘裏取土作隄漸得地濬  
堤高已蓄西山并九河夏秋暴漲水既增塘灤又免奔  
溺民田實為利便從之 八月九日臣僚上言竊見環  
慶路沿邊諸城寨樓櫓城壁久不修完詔下本路徑畧  
司常切修完 七年二月環慶路徑畧司言昨討殺環  
州平遠寨七回族而即其地綾子窠修弓箭手營有夏  
國蕃民咸皆教等輒領人馬爭占之況此地至界首尚  
十餘里彼妄以為本國屬地請下保安軍移文宥州從



